

Дагъиста

хъунул адам

5/2020

ISSN 0132-9650

Ларгинский

НУШАЛА МАНЗИЛЛА ХЪУНУЛ АДАМ

ЖАГАДЕШРА НАЗИКДЕШРА
ВА ЦІАКЪРА ДЕБАДЕШРА

ГІЯХІТИ АДАМТАЧИЛА

НУШАБ – ЖАГЪЛИ КАВЛАД

НАСИХІЯТЧИДЕШ ДІРНИ

ЧЕМПИОН

НАСЛУБИ

ТУХТУРЛИ АКІЕС ГІЯГІНСИ САЙ



В добрый путь!





Бизнеслизи бяхъили...

Нуни селра деклар сагаси бурули херургус. гьарил заманала сунела дяхI, имцIали гьалар чедиути секIал, сунела философия дирути сари рикIаслира. Лерилра илди бяхIчибизунала асарлиур нушала гIямрула хьулчилибубси бетуцла черкад набзир гIяжаибти пикруми акIуб, сенкIун илизир ахир агарти сагадешунира, дарсдешунира, кьулайдеш алкIахъути сари или дурадуркIути далдуцунира тамандирули ахIен. Иш яргалис «философияла шайчирти пикрумала» сабабли бетаур гьанна сагаси, кьулайси агиличи бушибси ва модернизировабьбарибси, амма, хIуша сецад тамашадирадаллира, нушаб убай нешгьунали бетаурси «Россияла почта».

ХIера чумал дус нура, дила балликьянабира, Дагъиста СМИ-бала руководительтира дебали халаси ва тамай арзес хIедирусили бетаурси масъалаличи дяхIигулра: почтали сунечи бегIлара гьалар хъардиркути кьуллукьуни тамандирули ахIен, гьатIира вайси, илди тамандирес илала кьасра агара.

ХатIахIерикес багъандан нуни словарьлизи хIерризес булан хъумхIертурра, ил селизиб бузес гIягIнисил белгибирухIели, ХIера севан бурулил словарьлизиб: «Почта акIахъубси саби баянти цали итилличи дашахъес ва сунени илдачирадра кайсес имкан биахъес багъандан, баянтицунира ахIенну, почтали цали итилличи дурхъути масанира дихъес гIягIнити сари». ИшбархIи нушала почта илдигъунти кьуллукьуни

дирес бекIлил пикрибикIусигьуна ахIен. Нушала шагъарлизиб хIербирути адамтала байхъалайчибра имцIатани кьулбасдарибти печатъла изданиебилра заманаличир кайсес бирули ахIен. Илди бекIили хIедиахъути анцIбукьунира дахъал къаршидиркули сари. Республикала шимала районтазибси агигьатIира вайси саби, сенкIун дахъалгъунти шимазир почтала отделениебира почтальонтира агарли буили саби. Агара илар газетаби ва журналти дирцути киоскунира, почтала ящикуначилану гъайра рикIули ахIенра. Илди лерилракIун гьалар нушачир дирутири ва дузутири!

Марлирагу, нуни аргъес рирули ахIенра, сен почтала отделениеби кьапIдирутил? Сен печатъла киоскуни приватизировабьдарибтил ва чула вегIдешлизиртили детаахъуртил. Асубирусив почтала отделениеби коммерциялизир дузути меранили детаахъес? Сен почтала хIянчизартас дукелцIидухъесли камси алапала кьадар кабизахъурсив?! Сунени сунела хIурматбируси адамкIун илгьуна садакьалис узес кьабулхIеркур.

Пикрибараягу ца, гьарил кабизли саби финансуначил гIеббуцес хIяжатсили бетаахъурли саби. Хайри булан кайсес гIягIнили буили саби. Дила пикрили, илкьяйда биэс гIягIнили ахIен, сенкIун ил дебали заралласили уббухъес асубиар, илгьуна агили анцIбукьуни вайси ахирличи диркахъесра асубиар...

Наида КЕРИМОВА

НОМЕРЛИЗИР ДЕЛЧIЕНАЯ:

НУШАБ - ЖАГЪЛИ КАВЛАД



Илис гьаннала гIергъира арадешли, гIякьлу-дагърили, малхIямдешли бархъIебатурти, гьамтачи, балу-бирхутачи, дунъяла лигIматуначи дигили дицибти дахъал дусми дулгулра ва уркIили жидарибти назмула ца-чумал тахта шабагъатладирулра 10

ЧЕМПИОН



Хьунул адамтазирад кьалтийчир чидил чедириккурал белгибарес дебали кьяяни бирар. Мушулбашни хьунул адамтачи хасли ахIенси спортла жура саби или бурулихъаллира бахъалгъунтани. Илдала абзаначи хIербикIутани бурни хIясибли, илди мушлукьябиван тамай декларбулхъули саби. 30

МУРУЛ АДАМЛА АСИЛДЕШЛА ЧЕРЯХIДЕШ



Игитла гамъала хIулби пашмай сари. Амма игит вебкIиб или гьанбикесли ахIен, сенкIун ил ишав мякълав сай яра вацIализивадкьунзухъес арякь сай или гьанбикесли саби, илини бузерилизир пайдаладирути секIал хIулбала гьалар чедиулри. 14

РЯХIМУ - УРКIЕЦИЛА РЕГИ РУЗИ...



Пандемияла бурхIназирра нуша ца итиллис кьадин хIянчиличи дурадулхъули калунра, дамсурли диъниличи зигархIедикIули, изайзи дикишагу ибси урехиличирад чеди-диркули 34

ЖАГАДЕШРА НАЗИКДЕШРА ВА ЦІАКЪРА ДЕБАДЕШРА



Чедир гъандушибти лишанти тамай хаста сари гъанна ну сунечил ихтилатрикІуси хънул адамличи. ХІязлис ахІен Анжелла Рабадановна ГІябдуллаевани абхъибси ва бекІдеш дируси «Сантэфамм» бекІуси клиникала лишанни-эмблемали орхидея вава чеббикІибси. Ил дебали жагасира саби, назиксира саби, цазаманализиб бахъхІи зярхІси жагадешлизибра кавлули саби.

Анжелла Хасавюрт шагъарли-зир аклубси сари. 1985 ибил дуслизиб илини шагъарла цаибил школа шулала таманбариб. Дагъиста мединститутлизи ручІес карерхур ва МяхІячкъалализи гечриуб. РучІес илизиб халаси иштяхІра лебри.Илини студентли рирули ардякбунти дусми гъаннара разили гъандиркахъули сари, сенкІун илди талихІчерти ва баркъудлума духІнадицибти сарри. Итди дусмазиб ДГМИ таманбарибти специалистуначи чинабалра халаси гІалаб лебри. Институтли пергер специалистуни хІядурбирулри.

ИтхІели ил институтлизиб бузулри машгурти профессорти ва гІялимти М. ГІ.ГІябдуллаев. И.ГІ. Шамов, Э.М. Эседов, З.Н. Зайдиева, М. ГІ. ГІямаров, Т. Х. Хашаева, М.А. Дани-ялов, М.С. Михайловский, Х.Э. Казиева, И. Д. ГІялиханова ва гІяхІцад цархІилти. Илди Дагъистайзибцун ахІенну, лебилра улкализибра ункъли балути гІялимти сабри.

- ИтхІели институтлиси бекІдеш дирулри А.М. Голубевли.Ну сунезир ручІуси курсра дебали цақъсилизи халбирусири. Чумаси зегъаличи чекадизурти нуша цаличил ца аб-злизидизурли дучІутири, цалис

итил гІелахІедухъес гъазализир дирутури,- бурули сари Анжеллани студентли рирути дусмачила.

Институт таманбарибмад жагъил тутхтур шері рякъун ва ординатура илини Москвализиб белчІун. Илала мурулра Москвализив хІерирулри. Акушер-гинекологла санигІят хІясибли илини специализация лебилра улкализиб ункъли балуси нешла ва дурхІяла арадеш балтахъуси Центрлизиб (гъанна илис Кулаковла уличилси хъалибарг планировать-бирнила ва нешдешра дурхІядешра далтахъуси Центр бекІули саби) дураберкІибсири.

- 1991 ибил дуслизиб нуни хІун-тІена дипломличил мединститут таманбарира. Илала гІергъи дерматовенерологияла санигІят хІясибли интернатура таманбарниличирра тІашхІеризурли, косметологла санигІятра касира, сенкІун хьунул адамла арадешлис ва жагадешлис къуллукъбируси ну регІси клиника абхъес къасбарибхІели, илшайчирти багъудлума дяркъес хІяжатлири, бурули сари Анжеллани.

-Ил замана хІела дурхІни хІечил сабрив яра хІела бегІгачиб сабрив?

- ДурхІни абиқбахъес наб зизини кумекбирулри, нушала бегІгтикІун МяхІячкъалализиб хІербирулри. Нуша итхІели Москвализир хІердирулри. Гъайгъай, нуни итхІелира балулри зизини дурхІнас нешла мер буцес хІерирни. Гъайгъай, наб белчІуди гІурра даимбарес: аспирантура ва докторантура таман дарес дигулри, амма илхІейс дила авал урши-рурси лебри, лерилра дигути дирару, набра ца чеббикІес хІяжатлири. Нуни хъалибарг гъалаб чебаира.

Замана итхІели къяркъсири хІерикІус, амма къиянсири. ГІямру дурхъадиублири. Узули дарибти арц диути бахъал аги. Перестройкалис гІергъи нушала ГІямрулизир дахъал дардешуни кадикиб, адамта ГІямру къулайдиахъес тяхІурти далдурцулри. Мурул вузлизив преподавательлира узулри, амма юридический багъуди касесра учІулри. Халаси фирмализиб илини сунес хІянчира баргиб. ИлхІели сабри илала сай вегІси баркъуди гъунчибушес пикри акІубсира. (Анжеллала муруй военный переводчикунала институт таманбарибсири, гІилмуртала кандидат ветаурли гІергъи сунени таманбарибси институтлизив преподавательли узусири). ИшбархІи ил строительный бизнеслизив узули сай, амма адвокатла санигІят бузахъесра даимиубли сай.

Ну мурталра илала мякълар сарри. Наб чеббикІибси санигІят хІясибли рузес бетарули ахІенри. Илбагъандан набра сагаси санигІят касес чебуркъиб, дила муруйс кумекчи ретаэс багъандан. Строительный бизнесра медицинара цаличирад ца дебали тядити санигІятуни сари. Амма кІибхІалра адамтачил саби бузути.



Гъарил пациент разили къабулирути ва илис чебететаибси къуллукъ бирути «Сантэфамм» клиникала хІянчизартас баркалла багъахъес дигулра. Нура илдачи дугъаризес чебуркъибтазирад ца сарра. Тухтуртала сихІрула някъба се-дигара барес дирули дуили сари. Илаб сагъбиубти адамти гІямруличи уркІичебтили бетарули саби. ГІяхІси тухтурлис ахІи, гІур чис баркалла викІусив? ГІямруличи разили калаб сабира. Нушала арадешлис гъатІира гІяхІси къуллукъ бирахъес.

- ХІу регІси клиника абхъес къасбарибхІели, хІедра подрядчикли, бригадирли, менеджерли... рузес чебуркъиб бургар...

- Рархъли рикІулри. Ну дигалли бригадирли калунра, дигалли про-рабли рузес чебуркъиб, чумилра цархІилти санигІятуназира дила имканти хІялумцІурра. Медицинализир рузес бетхІерулри, ну регІси клиника абхъесра къалабали бетарули ахІенри. ДурхІначи хІеруди биресра хІяжатлири. СанигІят хІясибли рузес бетарули ахІенри. Илбагъандан ну дугурбазир дежурстволичи рашусири. Авал дурхІялис къуллукъбаресра гъамадли ахІенри. БегІтала шайзибад наб икъала-кумек гІердаахъесири аги. Гъайгъай, нуни балулри гъар секІал мурталра илкъяйда калес хІедирни. Ну регІси баркъудилизи ахъес багъандан капитал палабяхъес хІяжатлири. Дила дурхІни халабаили гІергъицул дила имканти акІуб касибси санигІят

хІясибли бузери даимбарес. Тухтурла санигІят биалли наб мурталра гІяхІбилзусири.

- ХІял-гІабигІят хІясибли хІу сегъуна адам саррив? Гъаркъяна саррив яра чили-биалра хІед кумекбарили рикіули дигахъиду (клиникализир ва хъалибарглизир)?

- Ну дебали уркІичерси адам сарра, къияндешуначи бурсириубсира, къиянти аги-къяйдализирадра дурарухъес бажардиррукс. Гъайгъай, вегІла имканти сегъунти сарил багъесра гІягІниси саби. ЦацадехІ секІал нуницуна гъунчидушес рирус, амма цархІилти адамтала шайзибад кумек, маслигІят хІяжатбиркути анцІубкунира дирар. ИмцІали устадеш лерти специлистуначи дугъаризадли, хІед гъамадли бирар, сенкІун цархІилтани дирути хатІаби тикрархІедарес имканбикІур.

ИшбархІи хьунул адамли гъаркъянадеш дирниличила дахъал гъай детарули сари. Гъайгъай, хьунул



адамлис министрлира депутатлира рузес гьамадси ахӀен. Илди къул-лукъуначибранушала хьунуладамти бузули къаршибиркули саби, амма илди бахъал агара. Хьунул адамлис мурул адамлисичибра къиянни саби рузес, сенкӀун иличиб хъалибаргра тӀашли саби. ДурхӀначира ил им-цӀали къакъарикӀуси сари. Амма хъархӀерагартӀи, чӀумадешличил декларбулхъути, гъала тӀашбатурси мурад сархес багъандан цӀакъани ахӀерахӀедирути, сабухъчебли бузес бирути, цархӀил адамтачил бузес балути хьунул адамти имцӀали бирар. Дила хӀерудилиуб бузутани бурусиличира лехӀихъес балас. Ил-даци ну дугъаризес хӀяжатбиркути анцӀбукъунира дирар. Даарицад багъудлумаира агарли, устадешра агарли баркъудилизи ахъибси адам хатӀахӀейкес хӀейрар. МяхӀкамли вяшиксес балес гӀягӀнисаби. ХӀуни бируси баркъудила асурти сегъунти диэс дираралгъаланачирпикридирес хӀяжатбиркур. Илгъуна бетуцличил вяшикӀуси адам камли вирар хатӀа-иркуси. Баркъудила адамла хатӀа биалли дурхъали кабилзуси саби. ИшбархӀи адамлис мурталра ум-цӀлабазив виэс хӀяжатбиркули саби, сагати пикруми агарли гъалавяхӀи вашес хӀейрар.

- ХӀушала бизнес гъанна хъалибарглали бетаурли бургар...

- Хъалибарг саби дила хьулчилиби-убси къакъбяхъ. Хъалибаргла бизнес гъалабяхӀи башахъес имканти лерли сари. Ну хъалибаргли гӀеррурцулра.

Дила халасигъуна урши Гъанили ва рурси Заирани Англиялизиб университет таманбирулри нуни клиника ибхъуси замана. Ну санигӀят хӀясибли бузерилис яра коллективлис бекӀдеш дируси специалист ахӀенра. Илба-гъандан наб клиникализиб бузахъес сагати хӀянчизарти баргес чебуркъиб. Уршили бизнеслис бекӀдеш дируси специалистла санигӀят сабри бар-къурси. Илнини медицинализибси бизнесла хасдешунира дяркъурлири. Ил клиникалис гъуни чебиахъули узули сай. Заира администратор сари. Ил дила цаибил кумекчи ретаур.

РиштӀалгъуна рурси Заремани ишдус школа таманбариб. Илнини дила санигӀят даимбарес къасбарилли сари. Мединститутлизи карерхес имтихӀянтаци хӀядуррикӀули сари. Нунира илис риубсигъуна кумек бирулра. ИшбархӀи белчӀудиличи халаси тӀалаб леб. ГӀяхӀси хӀянчизар узес мер агарли кахӀевлан. Аги-къый-да къалабали дарсдикӀули сари. Илба-гъандан жагъилтас белчӀудиличи чекабизуртили биэс хӀяжатбиркур.

Нушала хъалибаргла бизнес гъала-бяхӀи башниличи ну къабулли сарра.

Нуни клиникализир бекӀ тухтур-ли рузахъес институтлизир набчил парх ручӀули калунси дила гӀяхӀси ралликъяна Аида Дадавова ГӀумарова хӀянчиличи руцира. Бузерила шайчирти халати устадеш лерси ва санигӀят ункъли бялуси хӀян-чизар сари ил. Илчи нуни тамай бирхаудира бихъилра. Хъалибаргла бизнеслизиб хӀянчизарти-ургабси

цала итилличи бирхаудила халаси къадри лебси саби. Ца хъалибаргла адамти хӀянчиличира халати жа-вабкардешличил гъамбирули саби. БекӀ тухтур Аидала бузериличи ну дебали разили сарра. Ил ну багъан-дан цархӀил шагъарлизи гечриэс булан къабулрикиб. Дила хӀурмат хӀебируси риалри, набчи бирхауди хӀебирхъуси риалри, гъайгъай, ил барес къабулхӀерирки.

Нушаб мурталра дучӀес, гӀил-муртала сархибдешуначи дегӀдирес, ишхӀелла заманала дармунтачи хъа-рихъес хӀяжатли саби, космоцевтика-ла препаратуну устадешличил пай-даладирес гӀягӀнибиркур. ГӀямрула тимхъ дебали жигарчеббубли саби, нушара илдала дуцӀлис гӀелахӀе-духъи дашес чебиркур.

- ХӀела бегӀтачилара къантӀ-къантӀли бурили дигахъира. ХӀела гӀямруличи имцӀали асар барибти адамти гъанбушес рируду?

- Ну сегъуна лерли риаслира, дила бегӀта илгъунали ретаахъурсира. Дила неш МирзамяхӀяммадова На-писат БяхӀмудовна Лавашала рай-онна МикӀхӀила шилизирадси сари. Илнини Дагъиста шила хӀозяйствола институтла агрономти хӀядурбиру-си факультет таманбариб. Дудеш – МяхӀяммадов Рабадан ГӀяхӀмадович Лавашала районна Къуппала шили-зивадси сай. Ил санигӀят хӀясибли цулбала тухтур сай. Илнини илкъый-дали шила хӀозяйствола институтла зоотехнический факультетра та-манбариб. Дахъал дусмазив гъуни чебиахъути жавабла къуллукъуначиб хӀянчи бариб. Республикала шила хӀозяйство гъалабяхӀи башахънилизе пай кабихъиб.

БегӀтани ну мурталра гӀеррур-цусири. РучӀахъес гъаза бариб. Ну гъаннара баркалла рикӀулра дила школализибти химияла учитель Е.А. Пашицлис, урус мезла ва литерату-рала учитель ва школала директор В. Г. Антонюклис, физикала – С.А. Дружинскаялис.

Ну дебали разили калунра Ан-желла Рабадановначил бетаурси уркӀигъаргси ихтилатличи. Ил Мо-сквализир хӀеррирули сари ва илар рузули сари. Тах шагъарла адамта-ла арадешлис къуллукъбирули.

АЖА ГӀЯБДУРЯХӀИМАНОВА

ЗАМАНАЛИЧИЛ ЦУГЛИ...

Ардякюнти гЯмрула дусмачи хЛерикЛухЛели, марлирагу, дила кьисмат илгъуна бурги, я ну цархИл тяхЯрли хЛериэс вирхЛейрира ибти пикруми дашули дирар. ГЯмрулизир чедаибти, кадикибти тугълизи дизурли, цалис гЛергъи ца мицИрдирули ва дагърилизира дургъули дирар. ХЛела бухИна дунъялизив хЛу хЛечил къабулли виадли, гъар секЛал ункъли сари. ХЛечи адамти хЛяжатли саби, хЛуни илдас разидеш бихулри.



ГЪАР СЕКІАЛ ХЪАЛИБАРГЛИЗИРАД...

- Гъанналичи бикайчи ну нешла гьалар умурирули лералра учительла санигЯтличибад дебали гъаракъси баркъудилизи – бизнеслизи ахъес ралризни багъандан. Наб илкъяйда нушала гЯмрула бетуц барсбиахъес, бекЛакъудила шуртГри къулайдиахъес дигусири итхЛели, - гъанбиркахъули сари Татьяна МяхИяммадовна Айгуновани. Ил бусягЯтла заманара Сагаси Кулила шилизибси Аметхан Султа уличилси кИибил школала директорли рузули сари.

- ХЛушанира балулрая, яшавла шуртГри къулайдиахъес къасличил адамтани балагъла 90 ибти дусмазир сегъунти тяхЛурти далдурцулрил. Хъалибарглис напакъа бурческЛун сеннира хЛяжатлири. Учителъли итхЛели кайсуси алапа сегъуна сабрлра балулра къалли. Ге, гъанна нуумуриэс аварали риркъулра, амма итхЛелил нуни аргъира учителъла санигЯт дила гЯмрулизиб бекЛибубси биъни, ил бузахъниличи пашманхЛерирнира аргъира, саби санигЯтра дила уркИли къабулбарилри. Ну учитель ретаахъурсира дила нешли сарри, илкЛун сарира учитель сарри. Гъар бархИи нуни ил къайгъназир чериусири. Алжана къадарбарабгу сунес, гъанна мицИрли агара. Математикала учитель Миясат

Къурбановна Айгуновани сунела гЯмрула авцАли дусличир имцАли школалис дедиб. Нуша илала дурхИнира халаси иштяхЛичил дучЛУтири, гЯхИси багъуди касес хълудикЛУтири. ЦацахЛели къанси дугила замана баайчи нура нешличил рарх школализир кавлули ририра.

Дила дудеш биалли Ленинна уличилси колхозлизив шоферли узусири. Дебали гъалабахЛарбкъунси колхоз сабри нушала: белГуси халаси ванза бири. Дахъл цедешла унхъри сарри, мицИрагла фермаби лерри, вецАни азирти мазала мас лерри илала дурзамтазир.

1944 ибил дуслизиб дила бегГтира Кулила районна Кулила шилизибад гуждан дураибтири ва Сагаси Кулила шилизиб хЛербирули калунтири. Чеченти Казахстайзи дугЛейбси замана сабри ил. Сагати мер-мусаличи бурсибизэс илдасра гъамадли ахЛенри.

Дила хала дудеш Рамазан Айгуновли Дагъистайзиб Совет хЛукумат кабилзахънилизир жигарла бутЛакъяндеш дарибтири. Колхозуни алкЛакъухЛелира ил жигарчевси сайри. Шила советла председателли, колхозла председателли узули калунсири.

Дила дудешра камти гЯмруличив левалли колхозлизив узес вехЛихъибсири. Бузери дигуси, дебали хЛялалси адам сайри. Нешра илра тамашала аги-къяйдализиб къаршибикибтири

ва тянишбиубтири. Ил бархЛехъла школализив учЛусири. Сенрилилини дила неш чераиб ва итмадан иличи дигай дихъиб.

Миясат Къурбановна ДГПИ-ла выпускница сарри. РучИра ункъли ручЛусири. Ил секъяйда рулхъибал! Иличирад хЛулби черасес хЛейри! 1957 ибил дуслизиб Москвализиб дурабекЛибси Лебилдунъяла жагъилтала ва студентунала фестивалъла бутЛакъянчи сарри. Комсомолка ва исбагъи бикЛУти илдигъунтас сабри итхЛели,- пишряхъили бурули сари Татьяна МяхИяммадовнани.- Рузирра нура хала неш Марзижатличир хЛердирутири. Ил Сагаси Кулила шилизибси дурхИнала анхъла директорли рузусири. Илкъяйдали ил палтарла пергер устара сарри.

Институт таманбарибмад, неш комсомолла райкомла цаибил секретарьли рузули калунсири. ХЛяким ретаэсра риригу, амма илала уркИлис учителъла санигЯт имцАли къабулбиклри ва школа чеббикЛиб. Гъарли-марси педагог сарри ил.

ГЪАРЛИ-МАРСИ ПЕДАГОГ

Татьяна МяхИяммадовначил ихтилатрикЛухЛели, нуни илизи хъарбаира шелра узи-рузилизибад чихъали учительти бетатурал.

- Нешли педагог ретаахъес бегЛ гъалаб набчи пикри бяхЛчаиб ва

хатГяИерикиб. Нешливан набра математика дебали дигахъусири. Школала Гямрура наб ГяхИдилзулри. Классла доскаличи формулаби лукГухИели булан нуни халаси тГяГям кайсули рираси. ИшбарХи школала дурхИнас лерти ГяГниахълумазирада халгъунти нуша дучГухИели дирра хИедири. Информатизация. Инновация, робототехника се сартилла нушани хИедалира! Амма итХИели учитель хИела хъалибаргла членгъуна вирусире. ЦацахИели къалли ил вегИла бегИгачивра гъамсилези халбирутира къиршибирки.

ДИРЕКТОРЛА САНИГИЯТ

ИшбарХи директор педагог сайливанра пикриикГули сай, амма ил белчГуди тГашбалтуси организаторра сай.

- Школа наб рузуси мерцун ахИен. Ил наб хъалира саби, имцЛаси замана нуни илизид буркГулла. Илизид низам кахИебизахъурли яра барес балбуцибси бекИхИебарили, ну хъули аррукъес хИерире,- бурули сари илини.-Нушала юртлизир чеабиуси

наслу багъудичебси бетаахъес хИажатти лерилла секЛал лерра лер. Наб бегИлара дигуси, дурхИнази багъуди касахъниун ахИенну, илди ГяхИти адамти бетаахъес саби, патриотунили бетаурли дигулла илди, саби хИербиреули улкала гъарли-мартиградинти бетаурли дигулла.

Директорли бурни хИасибли, школала дурхИнас мурхъти багъудлуми лугес ГяГниги сари. Ил тГалаббиреули саби сагати стандартуначи хъарихъуси багъуди кайсахънила бяхИчибизли. Сагати учебникуначил пайдалабиреули саби гъанна школабала бучИанти. Сагати правилоби хИасибли хасте экспертунани илди жузас къимат кабалтули саби, амма шел дулла Гергъи царХилти жузи дурайули сари, гъалар дуибти сагати баянтачил чедирЦахъули сари. Илди сагати баянтачил давлачердирули сари. Жузира багъудила стандартуначи лайикъти вадурусдушибти диэс ГяГниги сари.

- ЦарХил тяхИяр биэсра хИебарар, – бурули сари Татьяна МяхИаммадовнани.- Багъудила майдан сагати багъудлумани бегИунси бетаэс ГяГниги саби.

Ил сарира багъуди кайсахънилизир кадиркути дарсдешуначи пикриличил хИеррикГули сари. Школала коллективра сагати стандартуни хИасибли бузахъес бяхИчиули сари. ИлХИелера халати устадешличил.

Нуни илизи ЕГЭ-ла хИекъелизбра хъарбаира.

- ЕГЭ-ла хИекъелизирти жаланира дурути пикрумира – ил дагла бархИ саби, жалани Гурра даимдарес вирар. ЕГЭ-ла ГяхИтира вайтира шалуби гъандушес вирар. Илдас ахир лебсигъуна ахИен. ЕГЭ-ра тГашбизниагарли гъалабяхИ башули саби къалли. Илала бухИнабуцра барсбикГули саби. Масала, информатикала имтихИан бурцухИели, ученикли презентация дурабуркГули сай. Физикала, химияла имтихИайчир ученикли лабораторный хИялумцЛа дурабуркГули сай. МухИлили суалтас жаваб лугниличиб илгъуна тяхИяр имцЛали мяГничебси саби.

Татьяна МяхИаммадовнани царХилти улкназир гъачамлис пайдалахИедирути тяхИуртира нушала шолализир сабухъчерли пайдаладирули диъниличила бурули сари. Классическая школа челякъблала



технологиябачил бархбалсахънила къадри илизиб саби.

- Учителъли багъуди кайсахънилизиб бурцуси мер камбикъули саби или зигарбикъутира бахъал леб къалли. Мицъирси учителъла мер сегъуналра технологияли буцес хъебирар или бурули саби,- рикъулра ну илизи.

Школала директорли илхъели набзи «земский учителъла» хъекълизибси бяхъичибизличила бурули сари. Шимала мераначи гъамли бахъаладамти гечбирар. Ила жагъил учителътира лябкъян.

Гъалаб нушала улка бегълара бучусилизи халбирусири. Дурхъинани классикунала произведениебачил дарх ишхъелла заманала авортала жузира дучутири. Белчъес жуз цали итиллизибад ца дугилис бихабирути анцъбукъуни дирутири. Ишбархъи биалли чидил-дигара жуз интернетлизибад хъела хъулиб белчъес вирулри.

МУРТАЛРА УМЦЛАБАЗИР

Татьяна Мяхъяммадовнани къянти аги-къяйдализи рикибхъелира някъби даткайули хъерирар. Ил гъямруличи умутчерли хъеррикъуси адам сари. Илис баркъудила адамли ретаэсчебуркъиб. Ил нушаван журналисттира калун. Чумал дус районна «Заманала гъама» бикъуси газетала редакциялизир рузули калун.

- Бизнеслизир рузухъели, ну илар заманалис рибни балусири. Сеннира школализи чарририличила балусири. Редакциялизир рузесра къасбарира. Бажардира рикира. 2009-ибил дус сабри. Набчи хъарбариб Новострой хъясибси отделлис бекъидеш дарахъес. Итхъели ну имцъали командировкабачиррираси. Газетализира гъаман гъайрулхъули калунра. Дила белкълани бучлантасра гъахъидилзутири, сенкъун мягъичертти, дебали челукъути суалти сарри нуни белкъланазир ахъдурцути.

АДАМТАЛА ГЪАЛАР

-Ну мурталра адамтала гъалар сарри. Хаслира газетала редакциялизир рузухъели. Илгъуна агилизир сарри депутатли рирухъелира,- бурули сари Татьяна Мяхъяммадовнани,-

нуни бируси хъянчилизи лерилра цакъани кадирхъес бурсириубсира. Нешла школала асар саби ил. Ил набзи рикъусири: «Гъаланачи класслизиб низам кабилзахъен, илала гъергъицун дарс кабирхъес рехъирхъен».

Нуни нешла дурсри гъаннара хъумартес рирули ахъенра. Илди наб лерилра гъямрулизир уради-гули калун. Дахъал секълал пикри-дирес бурсириубра ну илдазирад. Хатгъахъерикахъибси, гъачамалра къардхъерухъахъунси ну дила нешла дурсрани сарри. «Дурхъиначи диги агарси адам учителъли узес хъейрар»,- тикрарбирусири илини мурталра.

Дурхъини дигуси педагог сай гъарли-марси учителъли ветаэс вируси. Нура ахирра школализи чарриубра. Новостройлизир урчъемал ши лер. Ну сунезир директорли рузуси багъуди кайсахъуси учрежденилизир школала къел типовой корпус лер. Илдазибад цализир 315 дурхъялис мерани лер, итиллизир -140. Илди къелра корпуслизиб къел сменализиб 900-личиб имцъали дурхъя бучули саби. Къакъали саби илдазиб, мерани диули ахъен. Районна администрация чуйнал республикала правительстволиси дугъабизурли саби илгъуна агила хъекълизиб. Ахирра нушала децъ аргъиб ва ца гъатли корпус гъабатес чесили саби.

ГЪАЛАДЯХИ КАЙЦУТИ ГУНЗРИ

Цифровой багъуди кайсахъуси центр акъахъубли саби. Ил къуватти компютертачил гъеббуцили саби.

Илгъуна центр лебнила халаси гъахъидеш леб дурхъинасра педагогунасра. Дурхъини командабази каберхурли бузес бурсибирули саби. Илдани деклар-декларти конкурсуназир бутлакъяндеш дирули саби ва гъаларти мерани дурцули саби. Шимала школабала педагогунанира ил центрлизир чула устадеш ахъдурцули саби.

Татьяна Мяхъяммадовначил рарх нура школала рухъинарад къунзрухъунра, педагогунала бузериличил тьянишриубра. Илар дурхъинас гъердучибти бузерила-белчудила шуртгъачилра тьянишриэс имканбакъиб.

Дебали жигарчебти ва разити сабри илала школализиб бузути педагогунира.

- Дебали уржибти адамти саби, ца хъалибарглизирван хъердирулра ва дузулра,- бурули сари Татьяна Мяхъяммадовнани.- Советская школала опытличира хъарихъулра, сагати тяхъяр-къяйдара дузахъулра. Гъахъиси саби бахъхъи бузули биубти учителътира лебни.

Нуни директорлизи хъарбаира районна хъакимтала шайзибад школалис сегъуна кумек бирулилра.

- Нушала районна бекъ М. Айдиев школабачи хъерикъулицун ахъенну, гъаман илдази вашули сай ва нушала бузери сунела хъерудилиуб бихъули сай. Ил сайра гъалавла педагог сай. Илини нушачи хъеруди баресра замана бургули сай. Халкъла хозяйствола лерилра къялубачи чеветиэс бажардиркули сай. Нуша иличи дебали разили сарра. Сагал дусла байрам дурабуркъухъели, илини лебилра отличникуни шабагъатлабиру, грамотабачил наградитьбиру. Выпускникуни-медалистуни някъличир дихути мургъила сягъятуначил шабагъатлабиру. Школабала бучланти илини сагал дусла елкаличи булан жибирули виар.

СУНЕЛА ХЪАЛИБАРГЛИЧИЛА

- Хъела хъалибарглисра замана кавлулив?- хъарбиулан нуни Татьяна Мяхъяммадовнази.

Дила суай ил разирариб. Пишряхъили, иб: «Дила тыл чъумаси саби, душман ила ваэс хъейрар!»

Рархъли рикъули сари. Гъарли-марли илала «тыл чъамаси» саби. Урши Азамат УФСИН-низив узули сай. Хъайчикайили сай, илала къел дурхъя леб. Хъунул Карина миллат хъясибли лезгинка сари. Татьяна Мяхъяммадовнас ил дебали дурхъаси ретаурли сари.

- Нушала хъалибарг интернациональный саби,- бурули сари илини.-Уршила хъунулра набчил рарх рузуси сари. Илини ДГТУ сабри таманбарибси. Илини педагог-логопедла санигъятра касиб. Нушакъун педагогуни сарра!

Гъяйшат ТАЖУДИНОВА



Тъанагарси гъцнибаъни

Салам. Чераргъи,- чилирил мяхI камли къужрарира,- хIу карицIуси станция гIелабатурлири.

- Марлив гъари?- селра аргъес рирули ахIенри нуни.

- Нуни хIясиббарира хIу русули риъни,- пишяхъили бурулри наб тянишсигъуна тIамали.

Амма нуни ил чи сайрил багъес рирули ахIенри. Къаралдира тянишсиван кабилзули саби, амма чи саял валули ахIенра. Къаралдира илала саркъили чебиули ахIенри. Нуни хъатли хIулби душкира, гъанкIла пардав чебайсис или. Вагонна хIулрала къутIла тIамали биалли набчи сагали гъанкI чебиркахъулри.

- Салам,- рикIулра ну, - рускаи руилрагу. Сегъуна станцияличи сарра гъанна гъамдирути?

- Гъанна «Аннино» бирар,- жаваб гиб тянишси тIамали.

- Агъ, байтарман, дила станция гIелаб кали буилигу,- харчризурра ну.

- Дила станцияра гIелаб кали саби,- пишяхъиб наб жагъил адам.

Поездли багълабариб ва тIашбизур. Ну вагойзирад гъалакли карацIира. Наб гIелавад ит жагъил адамра кацIиб. Амма нуни ил чи саял вагъес рирули ахIенри, илала у лезмила бехIличиб лебри, амма бурес хIерирулри.

- Нуни хIу архIяличи дураухъи чераири, амма гъамиэс хIейубра, адамти бахъал сабри. АризурхIели салам лугас

или пикриикIулри. Амма «Янгелличир» хIу ахIеризурри. Багъурра станция гIелаб батни,- иргъулри нуни илини дурути гъай.

- Баркалла хIед халаси,- пишряхъира ну, наб гIевваибси жагъиллис.

- Баркалла селис сабив?- жаваблис пишяхъиб илра.- Жамиляра ракIибу?

- Дима!- илала у гъаннацун гъанбикиб наб.

- Ну иличи зангъикIулра. Амма «вне зоны» ибсицун жаваб лугули саби. ЛукIулра, амма жаваб агара. Квартализивра чилра къаршииркули ахIен,- дяхIличибси пишбяхъни кIунбацIиб Димала.- Набзиб хIела номерра агарли уббухъун.

- Дима...- ил замана наб бегIлара дигуси пяхIли ретахъес, кIунрацIес сабри, амма нуни илала у ахъес ахIенси, гIур селра барес хIериубра.

Ил замана мегъла гъуйчибад нушала шайчибяхI лябкъуси поезд гъамбирулри. Гъаррухъес къасличил ну ил поездла гъаргдиубти унзализи рухIнарухъунра. Наб гIелавад ухIнавхъунси Димани серил бурулри, амма поездла тIамали селра иргъахъули ахIенри. ГIурра ну илала гъайличи лехIра ихъули ахIенри. Ну илис жаваблис буресилигIер умцIулри. Наб рахъли рашесра гIягIнили ахIенри. Яргаличилси станциялизир карицIусири.

Вагонна унза сагали гьаргдиуб. Ну перронничи караџира. Гьалакли эскалаторличиряхІ ретухъунра. Нуни селра бикъули ахІенри я селра чебиули ахІенри. БекІлизиб бургъуси ца пикри сабри: «Илизи секъяйда бурусив?»

- Мадина,-гѐлабад нуни Димала гІама аргъира,- гьармарулхъад, секъяйда сабил бархъли бура.

- ХІед набзибад се аргъес дигулрив?- ласряхъира ну иличиряхІ.- Ил сунелайс аррякъуну?- Димала хІулби пашмандешли диџилри.

- Гѐ!- ира нуни ва къалабали гьарахърикес къасбарира. -Амма хІуни илизи бура, сари наб гъанна ригахъулри или,- гІяшли иб илини.

- ГІяхІси,- ира нуни, риубцад авараагарсила дарес ралрилзули. Амма ил барес хІериубра, ва дила хІулбазирад нургъби гердухъун. Ганз гьалакбарес ралризурси ну селизирил гѐббитрикира ва кариркули хІилхІи калуна.

- МяхІкамли, чина гьалакрикІулри?- Димани, гѐввали, дила дулай някъ буциб.

- Чиналра ахІенра,- нуни симкъ дурабушира ва нургъби душкес къалабарикира.

- ХІу селис рисулрив?- паргъатагариуб Дима, ил дебали къайгъичевси сайри. Жамкас илгъуна жагъил викниличичи булан къяскариубсири ну.

- Ца ити,- жаваб бедира нуни, ва дила хІулбазирад сагали нургъби гердухъун.

- ХІу дебали къакъамарикІуд, бетаурси къяйда гъатІира гІяхІси бургар. ХІушалакІун гІядатунира къанунтира цархІилти сари,- Димани нургъби душкахъес дила хъатлизи явлухъ кабихъиб.- ХІуни илизи дила илди камти дугъби дура ва таман.

- ХІедурис,- гІяшли ира нуни ва цакъадар паргъатриубра.

- ГІяхІси ахІен,- иб Димани, гІур камси лехІизурли, имџабариб,- ил чераибхІели, илизи бура- чилилра хІергъу или.

- Нуни ил чехІериис,- къяркъливан ира нуни.

- ХІу урухриубрив?- тамашавиубли хъарбаиб Димани.

-Ил гІур чинилра чехІериу. Ил агара,- гІяшли ва багълали ира нуни.

- Секъяйда агарав?- вяхІла ранг џубдиуб Димала.

- Ил раткаэс гІягІниси ахІенри,- жаваб бедира нуни.- ХІези нуни итхІелил бурирагу, абдал!

- Се бетаура?- Димани дила хъуџари буциб.

- Гьар секІал диубли сари, гъанна черардякъи сари,- нуни паргъатли хъуџарличибси илала някъ убасахъира.- ХІези нуни ирагу, раткаэс гІягІниси ахІенри или, урехиласи саби или.

- ИлинкІун мекъличи или буриб,- Дима къалабали гъайиклескайиб, бурес дигуси бурили валкъаэс урухкІусиван.- Неш жирикІули сари рикІулригу. ХІура гъаман рашули рирудгу...

- Ну цархІил районизирадси сарра, нушачиб илкъяйда хІеблар. Илдачиб биалли бирар,- ну Димала хІулбази хІерхІериклес гъазализирри.

- Се саби илдачиб бируси?- Ахъли иб Димани, мякълабад шалгѐббулхъутани булан нушачи пикри бяхІчаиб.

- Дим,-паргъатли ира нуни,- хІуни чебаири къалли ну рашули, илкІун рашули ахІенри. ХІуни ил гъачамалра аркъули чераирив? Ил гъачамлра ила хІерякъун.

- Ил рикІулри, нешличи гьимрукІилра ва рашули ахІенра или,- наб гъанбикиб, гъанна Дима висикайрар или.- Ил муруйзирад декІаррикибси сарри, сарицун Москвализи аррякъунсири. ХІукму илгъуна биши,- сецад къайгънариркъулихъалли, къакъарлизибси гІянд барџхІебикахъес хІериубра.

- Сегъуна хІукму?- тамашавиуб Дима.

- Кавшесли...- ира нуни, риубцад гІяшли.

- Ил, ил...- серил бурес дигулри Димас.

- Ил гъанна миџирли агара, агара,- ну Димас гъатІира деџагахъес дигусигъуна хІяйзир сарри.

- ИлкІун нешличила гъайрикІулри. Рузила мекъ бируси саби,- рикІулри. Селра хІергъахъути дугъби гъумурдирулри Димани.

- Нешли илаб ирзуси селра аги, ил риргІякарургили аррукибсири,- мурхъси гьигъабатурра нуни.

- ХІуни ил аррукъяхъесра ратурри,- висикайиб Дима.

- Нунира хІебагъурра илцад урехи лебли биъниличила. Нушачиб илгъуна бирули хІебирар. Амма илдала районизир илдигъунти гІядатуни лерниличила нунира балусири. Амма илди жявли гъалар сарри дузахъути. Наб гъанбикиб, се бирулил илини сунени ункъли балули сари или,- гІяйибти черкадушес ралризурра ну.

- ХІу махрикІули лерригу, амма нуни лайикъси пикри бяхІчихІеили уилра,- Димала иркъмачирад гІурра нургъби гердухъун.

- Набра гъанбикиб, илар сари чулайс аркъули рургар или, хІейгукъира. Дилара иркъмачирад нургъби гердухъун.

- Жаниварти!- висулри Дима.

- ХІуша ишар дарх чедаили дуилри,- нуни Димани гибси явлухъли нургъби ушкулри.- Илала нешра риргІякарургили руилри, илини гелешмеш варгили сай или.

- Ишав чи чичил вашулил чис авара лебсив?- гІяшли џумикІулри Дима.

- ХІуша кІелра дарх хІердирули диъни багъурлири,- даимриубра ну,- хІердирес хъалира буцили.

- Лебилра илизиб се мягІна лебсив?- џумикІулри Дима.

- Чула тухумличи бакІибси џахдеш чеббикахъес, бирцес,- къяркъли ира нуни,- хІуни ил аргъес хІейруд.

- ГІярзабелкІес чебиркур, танбихІ барахъес,-висулри Дима.

- Илизибад сегъуналра гІяхІдеш хІебирар, итар гьар секІал далули саби. Полициялира далули сари,- нуни хІулби чедуџира, Димачи гъатІира хІеррикІес хІериули.

- Лерилра илди секІал ца улкализир,- къакъадешлизиб кІелра някъли бекІ буциб Димани.

- Ил хІечил талихІчерли саррив?- сенрил, пишряхъили хъарбаира Димачи нуни.- Илис хІу вигахъулри, хІуни илис талихІ савгъатбарри.

Димани набзи гибси явлухъ някълизи буцили, ну дякъличирад ратрихъира, дила илхІели я сегъунтилра хІялани аги. Рисулира ахІенри. Ну гІеларяхІ шурхІе-рулхъули, къалабахІерикІули ратрихъилри. Наб къалли дуџрухъес булан дигулри...

НУШАБ - ЖАГЪЛИ КАВЛАД

*«Далай чум дилЧаслира,
далай гІяхІна гъвабзалис...»*

ГІямарла Батирай



Мажалислизибси Темирхановла уличилси школа. Алавчарси тІабигІят мяхІкамбирнилизибучІантани кабирхъуси пайла къадри иргъахъуси жагъси мугІяллимла гъарил дев къяриусиван лехІкахъибти дурхІни... хапли, классла унза бараван жикъдухъахъи, Татьяна Трофимовна, ключ – или малхІямли гъабатурси Гъани Шихвалиевичла някъ... Ил, ботаникала дурсри кабирхъуси Татьяна ва гъалабла тарих руркъахъуси Гъани бара хъаллабиубли, школала мякълабси юртлизиб хІербируси, арбякъунси даршдуслихъла цаибил байхъа ахир сабри.

Гур, нуша чедирти классуназир дучІухІелира историкли, школала директорли узуси Гъани Шихвалиевич лебилрабучІантас, илдала бегІтас бегІлара дигуси мугІяллимли, педколлективлиси биалли дай уркІили вахъхІи калун. Илис сабабра халати дагърира, кегІбти чарх-бекІра, малхІямдешрацун ахІенри. Ил, дурхІназир акІес дироти гъаржурала суалтас дурусти жавабти лугес, тІама ахъІебуцили илди сунечи лехІирхъахъес балуси, илдас ламус-хІяяла, халатала

хІурмат-хатир дирнила, ВатІайчи, халкъличи, чула бегІтаци дигичебдешла рухІлизиб бяркъ бедлугуси воспитатель сайри. Ил, сагаси историяла дурсрачил дархдасахъи, дунъяличир, нушала ВатІайзир кабиркути анцІбукъуначила, адамтала дагъри, гІилму гъаладяхІ дашниличила ихтилатикІи, гъарил адамлизиб лебси рухІла давла секъяйда имцІабикІахъес гІягІнисил иргъахъули ва В. Ленинна «дучІес, дучІес ва гІурра дучІес» ибти дугъби гъандуршули, гІякълуми дури. Нуни къанни аргъиливан, итхІели ил нушаб гъарли-марси агитаторра лекторра уилри, политикала, гІилмула масъултази вархили, дагъри чеахъдурцули, сайра учІули калири, нушази биалли иличила хІебалахъи. Гъанбиркур, гъачам нушачи дугъаизурли, «Ибкъли дучІеная, вузанази кадерхирая, белчІудилицун хІушаб гІямру деркІахъес кумекбиру, вирхулра, илхІели нура багалавиэс вирниличи» ибсири. Илди, сайра чеахъикІни иргъахъути дугъби ва нушаб гІякълу гІеббурусидугъабиз сарри.


Гъани Шихвалиевичла насихІят бахъал бучІантани гІебасиб. ЧІянкІили дила клас-

слизибадти Н. ГІямаевли, Ш. Муслимовли, З.Къагърумановли (Мажалис), С. ХІяжиевли, У. ХІяжиевахъалани (Санчи), Гъ. Къасумбековли, Ж. ХІямидовли, И. ХІяжиевли, ГІ. ГІяхІмадовли (ГІяхІмадкент) ва нуни уми хъумкартурти цархІилтанира ВУЗ-аназиб белчІуди даимбариб, касибти санигІятуни хІясибли юристунили, тухтуртили, учительтили, лётчикунили... хІурматличилбузиб. С. ХІяжиев медицинала гІилмуртала кандидат ветаур, З. Къагъруманов чумал дус пилотли кали гІергъи, ишбархІира бузерила ва дергъла ветерантала райсоветла председателли, жигарчевси хІяракатчили узули левал.

Халкълизиб бурули бирар «хъубзарлис къимат хъу дегІунхІели камабалтадну, сабухъ бучибхІели кабати». Илди дугъби наб гъанаруливан, мугІяллимтачира бегІлара гъалар къячдиркути сари. Гъани Шихвалиевичла бузерила асар гІячихъли дакІубухъун, «илини дегІунти гъе дерхъили чедакІиб, илдачибадра пергерси сабухъ бучиб». ХІера, декІар-декІарти классуназиб бучІухІели, илала насихІятуначи пикриличиллехІирхъули бирути

З. МуртузагІялиева, С. Маллаева, П. Загъиров, ГІ. Нухкъадиева, М. ХІясанова, С. Темирбулатова... бахъал хайдакълан уршби-рурсби пачалихъла шабагъатуначи, ХІурматла умачи, селисалра гъалаб, халкъла, саби балутала дигиличи лайикъбикиб, гъанна, илдани абикурси ва бяркъурси сагаси наслуря хІукуматла халкъла тІалабуни дартарахъули, илдас къуллукъличи кабизурли саби. Илдала ургабра «чебяхІси категорияла тухтур», «культура-рала урибси хІянчизар» ибти ва цархІилти ХІурматла уми, сархибти шабагъатуни камли ахІен, С. Темирбулатова биалли филологический гІилмуртала доктор ретаур.

Гъанна Гъани Шихвалиевич Каймаразов 90 дус виубли сай. Гъалабван Мажалислизиб илис багъишлабарили, разиси шадлихъ дураберкІиб. Иличиб гъайбухъунти адамтани Дагъистайзивцунра ахІи, абзурли Россиялизивра машгъурвиубси историяла гІилмуртала доктор, профессор, РФ-ла ва ДР-ла гІилмуртала урибси хІяракатчи, улкала дахъал шабагъатуначи лайикъкибси иличила гІяхІцад гапла гъай дуриб. Нуни биалли ил сунела жагъти дусмазив, нушаб дурсри кадирхъули, насихІятуни дурули, малхІямдешличил, гІибратла баркъ-бацличил декІарулхъуси, лебтасалра дигахъуси мугІяллим сайливан гъануршулра. Илис гъаннала гІергъира арадешли, гІякълу-дагърили, малхІямдешли бархълебатурти, гъамтачи, балу-бирхутачи, дунъяла лигІматуначи дигили дицІибти дахъал дусми дулгулра ва уркІили жидарибти назмула ца-чумал тахта шабагъатлади-рулра:



*Ит даридусла бехІбихъуд
Дунъя гардарбарибси,
ГІяламла къяшмачирти
Къяшумти садерчурси.*

*Вершабала душурби
Къябиули бамсурси,
Халкъла хІила кІувразиб
Урхъназибван базибси.*

*Нушала гІязиз улка
Дунъяла марзла дурхІя,
Советунала Союз
Къукъубачиб лебалси.*

*Замана, санчилантас
ГІяламатван акІубси, портрет*

*ГІилмула сихІру дяркъес
МягІдайзи мурхъикибси.*

*Пахру, хамдеи хІегъурли
ГъалавахІ ватихъади,
ГІевуруцул «къакъ» агарли
Ахъанайти ахъади.*

*ИтхІейчирад ардякъун
(УрчІемцІали виКІмайКІуд).
ЧумцІали дус виадра,
Нушаб хІу жагъли кавлад.*

Асият

МЯХІЯММАДСЯГІДОВА

«ЧІУМАВИЭС ЧЕБИРКУР»

Нуни гъалабра буриливан, лебилра Россияла «Мывместе» бикІуси гІяхІбаркъла балбуцли, сабира коронавируса чейхъуси изала дакІубиубхІели акІахъубси, сунела бузери Дагъистайзибра даимбирули саби.

Арбякъунси заманала бухІнаб ил балбуцличил бархбикили саби 3000-личиб имціали кумекчи (волонтер). Илдазибад 200-цад «ХІунтІена зонализиб» бузули саби.



Сегъунти хІял-ІабигІят, къ依ликъуни диэс гІягІ-нитил кумекчила тухтуртачил варх узес ва Дагъиста больницабазибси агиличила буриб Дагъиста жагъилтала Гъаргси Правительствола арадеш мяхІкамбирнила комитетла председателъ ва Дагъиста пачалихъла медицинала университетла студентка, кумекчи-тухтур Эльмира Мажидовани.

Ил пергер дубурлан рурси, сунела арадеш ва цІакъбани ахІерахІедарили, «ХІунтІена зонализир» рузули, адамти чейхъуси иза «къялшубазибад» берцахъес къайгъилизир сари. Илала хІянчилизи кадурхули сари тухтуртала къуллукъуни тамандирни, санитаркабас кумекбирни,

къиянти зягІиптас беркала бедни ва документуначил бархбасунси хІянчи бирни.

«ХІунтІена зонализир» рузес рукъес ибси пикри Эльмира Мажидовала акІубсири коронавируса чейхъуси изала тІинтІбикІес бехІбихъибси манзилличибад, амма гъаланачи, изайзибад урехи лебни сабабли, бегІтани ила рукъяхъес хІератур. Сен биалра, илис имканбакІиб илдала пикруми дарсдилахъес, ва илар рузес рехІрихъиб. Гъанна илини гІяхІцадхІи сунела хъалибарг чебаилира ахІен. Эльмирани бегІти чебиути ва илдачил гъайкарикІуси видеобархбасла кумекличил саби.

Сунела бузерила цаибил бархІиличила ишкъяйда бурули сари илини: «Цаибил бархІи дебали паргъатагарсили уббухъун, ну даим пикрумазирри, сенахІенну нуни зягІиптачил секъяйда гъайрикІес гІягІнилил, сен-сен илдала цІакъбани имціадихъес кумекбирусил балули ахІенри. КъантІли бурасли, дегІлара гъамадти секІултачила булан пикрумазир сарри, наб биалли, дебали дигулри хІянчи ункъли бетатурли».

ГІур Эльмирани больницализир рузес гъалаб бируси сунела хІянчиличилара буриб.

«ХІунтІена зонализир» рузес гъалаб нуни, кумекчи къяйдали, сеннира «Мывместе» проектла дазурбазиб хІянчи бирусири. Гъанна секъяйда бузес гІягІнилил студентуни тухтуртас дурсри кадирхъулри ва больницализибархъес хІяжатти кумекчиби декІарбирулри», – рикІи ил.

Эльмира Мажидова рикІуливан, лебилра кумекчибани изайчила гІягІнити баянти касиб ва бузес бехІбихъес гъалаб имтихІян бедиб.

«Кумекчибани ва университет таманбирути студентунани Covid-19 чейхъуси изайчила баянтала курс таманбариб ва имтихІян бедиб, сунезирра секъяйдали зягІипхІейкес мяхІкамдеш бирусил ва зягІипкибсилис секъяйда кумекбирусил иргъахъуси. Ил курс белчІун гъалаб бузути тухтуртанара», – рикІули сари Эльмира.

Сецад адамти больницабазиб лебалал ибси суайс жаваб лугули, илини сагати зягІиптира дакІубулхъули хъалли, гъайгъайрагу, гІергъисси замана илди камли кумекчи или буриб.

«ДекІли зягІипти реанимациялизиб къабулбирули саби, рахли гІягІнибикалли, хургърази гъава хасси гІягІниахъалала кумекличил башахъес багъандан. Ну рузуси больницализиб бахъалгъунти зягІипти илкъяйда саби. Илдигъунти гІягІниахълуми урга-ургади урисути сари, хургъри сарицунра гъигъдикІахъес», — баянбариб Эльмирани.

Илини бурни хІясибли, «хІунтІена зонализиб» бузути адамтала дегІлара мягІничерти кѳиликѳуназибадца саби зягІиптачил гѳайбикІес бални.

«Дила пикрили, тухтуртас кумекбарес вякѳунси адамла урехиагардеш ва чІумати хІял-тІабигІят, ил-кѳяйдали зягІиптачил хІянчи бирнила гѳарли-марси багѳудира диэс гІягІнити сари. Илала дурабад, кумекчи зягІиптачил гѳамадли ихтилатикІес вирусилу виэс чебиркур, сенахІенну зягІиптас чула мурадуначила аргѳахѳес, сен биалра кІел-хІябал гѳай дурес дигахѳу. Нушала дяхІ-някѳ дяхІликалалабад удир чедиули хІедиалра, илдани бусягІятал нушала уркІила хІялани иргѳули, пишбирхѳули, масхуртани бугѳули саби. Илдигѳунти аги-кѳяйда биалли, зягІиптала арадеш кѳулайбирахѳенилис багаладирар. Нушала зягІиптачил цархІилли хІергѳести масхурти булан акІубли сари. Мисаллис, гѳаваличир температурала кѳадар балахѳуси термометр тапанчаван бяхІчиулла илдани «някѳби ахѳдуца» или, илдани биалли, нушала масхара гІеббуцили, разили ахѳдурцули саби. Нушани кѳайгѳибирулла зягІипти хѳярхѳили арабирниличичи бирхаахѳес», – сунела пикруми гѳаргдариб рурсили.

ГІур илини ихтилат даимбирули, гѳалаб изала лебниличичи бирхІерути бахѳал адамти гѳанна больницализичи бикниличилара багѳахѳур: «Ну рузуси больницализив, мисаллис, гѳалав изала лебниличичи сеннира хІерхуси мурул адам кайхѳи лев, гѳанна ил

дебали пикрумазив сай тестанани сегѳуна жаваб кабилзахѳал хІерли».

ГІур илини чебатур: «ХІянчи таманбиубхІели, тухтуртира изайзи бикилил ахІенал ахтардибирути саби. ЗягІипхІебикибтас хѳули букѳес асубирар, зягІипбикибти больницализиб кавлути саби».

«ХІунтІена зонализир» рузуси манзиллис сегѳуна саби бегІлара мягІничеси пикри ибси суас Эльмирани «бегІлара мягІничеси адамла ва илала бегІтала арадеш саби» или жаваб чарбатур.

«Хѳумартес асухІебирар: бегІлара мягІничеси саби нушала ва нушала бегІтала арадеш. ГІурра хѳуммартидая: уркІи-уркІилавадли чІумавикІес чебиркур. Дагѳиста халкѳла сабур-яхІ, арадеш мяхІкамбарес духули вяшбикІниличичи гѳира имцІабирниличичи рирхулра», — бурули сари Эльмирани ихтилатла ахирличиб.

Гѳайгѳайрагу, илгѳуна урехиагарси рурсила дугѳачи ва баркѳудлумачи тамашахІейэс хІейрар. Дигулра аданти берцахѳес дяхІчиабти сунела цІакѳани ва кѳайгѳни зягІиптани лайикѳли кѳиматладарили, илини лугути насихІятуначи лехІахѳили, арадеш мяхІкамбирниличичи чекабизурли. Сари Эльмирас биалли, илгѳуна гѳамадли ахІенси бузерилизир гѳарбизуницундулгулла. Илдигѳунти пергер жагѳилти лебхІели, гѳайгѳайрагу, Дагѳиста челябкѳлара шаласи бирниличичи умутбирхѳехІе.

МяхІяммад МИРЗАХАНОВ

ЧЕХІЕЙУСИ ГѳАРМУКА

*Хадижат ГІямарова,
Ставропольска край*

ХІербикІул ванзаличи
БерхІира бамкѳурли саб,
УркІбухѳунти халкѳличичи
Пашманни ухули саб.

БархІилис кадулхѳули
Садухѳи дугІбира лер,
Ванзали сунела дард
Хясаличил буртІули.

Заклизир гѳагулти сар
Цудар-цІябли гІясили,
Халкѳличичи бакІиб балагѳ
Чебарбукес дузули.

Дубуртира сар кахли
ДяргІили, цухдизурли,
Улхутала хабарли
Тамай хІяйрандарили.

ХІябрира дицІили сар
БекІибтала бахѳдешли,
УркІи кѳацІбуцили саб
Алхунтала лехІдешли.

Хабарагарси балагѳ
ГІинтІбиуб дунѳяличиб,
БяхІагар цІудар душман
Ханжалли вяхѳес агар.

ХІярхІяли кавшес хІейрул
Дисли кѳисбарес агар,
ГІяйбиуб ши-шагѳаркад
ЧехІейул, кахси душман.

Чумра неш цІумбухѳахѳун
ДурхІначи кѳакѳабухѳи,
ДурхІнира цІурѳабиуб
БегІти хІярибихѳили.

ЦІябдешлизир хѳаррихѳи
Агара гѳанкІ дугели,
ХІери шалара дикиб
Пикрумази рархили.

Телефон зянкѳбикІалли
Чархкад ружерибулхѳан,
Се аргѳишара или
УркІира зим-зимбулхѳан.

ХІебалас мурт сабилра
Иш дунѳя батбулхѳуси,
ЧехІейул гѳармукази
Халкѳла жан далтахѳути.

АЛЛАГѳ, АГАРБАРАГУ

*Казимбек Рабазанов,
УбяхІ МулебкІи*

Бахѳбаили саб гѳанна
Марайли бегІбиубти,
Чейхѳути излумани
ГІязизти арбухити.


Илгѳуна балагѳ саби
Чекайсули дунѳяли,
Шишимтала децІ саби
Кѳяриули гІяламли.

Севан дакІубиубсил
Балусира агара,
Хѳярла шинван бегѳахѳес
Вирусира агара.

Лебилра дунѳяличир
Иличил сари дявти,
Чедибдеш сархниличичи
Умут бетхІейхѳахѳути.

ХІебалас мурт лябкѳусил
Ил агарси замана,
Яра багѳла-багѳлали
Челябкѳулив Кѳияма?

Кѳудратла ВегІ барагу
ГІяламличичи уркІецІи,
Агарбарагу ХІуни
Пандемияла дяхІцІи!!!



МУРУЛ АДАМЛА

АСИЛДЕШЛА ЧЕРЯХИДЕШ

Гямрулизиб гьунарлис мурталра мер лебси саби или А.М. Горькийли бурсигьуна заманализир хердиэс къадарбиуб нушаб. Гямрула гьарил бархИ илгьуна саби или гьанбиркули саби наб гьанна. Марлирагу, гьанна гьарил адамли балули хергар сай гьунар барес хИядурси адам виьниличила. Лебтанилра чебуси мерличиб, халкьла гьалаб гьунар барни селра ахИен. Чилра агарси мерличиб, хИуни барисиличила чилилра хЕбалуси анцбукьлизиб барисби гьунар гьатИра халаси бирар. Гьарли-марси гьунарра ил биэс гИягИниси саби. Илкъяйда игитла бебкИали алхун Курахла районна Икрала шилизивадси мешебей Зайнудин Батманов. Илала гьунарличила бахьна ва тИинтИли белкИун газетабазира телевидениелизибадра буриб. Гьарил белкИлизири игитланеш Султанханум Батмановара гьанрушусири. Урши гьунар барили алхунси бархИ ил 90 дус риурлири...

Зейнудинна нешличил къаршидикес къасбарибхИели, нушани балули дардлизирси нешла уркИ паргьатбиахьести нушала дарман агни, илдигьунти дугьби даргесра нушаб гьамадли хЕбирни. МажахИят илди чилалра лерли диэс. Иличил ихтилатбарес, бузериличи бурсити илала някъби чИумали дучес. Чинаб ва секьяйда алкИутил ва халабиутил игитунни багьес – ил сабри мягИни чебси. Иличила сабри нушала журнал бучИантази бурес дигуси. Илдигьунти пикрумачил нуша Россияла Игитла неш Султанханум Батмановачи дякъунра.

Илини нушаб дарибти гИяхИядешличила бурули ахИенра, сенкИун гьарил дубурланнис гИяхИяд – ил

халаси разидеш сай. БатмановхИала халаси хьалибарг нушаб гьунибаиб. Гьайгьай, иларлерри Россияла игитла неш, духьянти гИямру деркИибси Султанханумра. Гьаларван ил 95 дус риублири. Садерхурти някъби, сакИубти хИулби, илини ишбархИира дурхИнала дурхИнас динди-тИрихуни демхес рирули сари. ЗейнудинхИала юрт дурхИнала дурхИна ва илдачибад акИубта бицИили саби.

Игитла гамьала хИулби пашмай сари. Амма игит вебкИиб или гьанбикесли ахИен, сенкИун или шав мякълав сай яра вацИализивад къунзухьес арякъи сай или гьанбикесли саби, илини бузерилизир пайдаладирути секИал хИулбала гьалар чедиурли.

Ил ишав игитван чейули ахИен, я илини цархИил барес хИейри ит балагьла бархИи. Кумекбара или жибикИутала иргьухИели, мякълавад чехИебаибсила ва хИебакъибсила дарили шалгИевухьес вирив гьатИ ил?..

Зейнудинна дудеш Лукьман Батманов Октябрыла революция биубси 1917 ибил дуслизив акИубсири. 1939

ибил дуслизив Финляндияличилси дергъ бехИбихьес гьалав ил гИяскарлизиб къуллукьбарес арякъунсири. ГИур илини ЧебяхИси Ватла дергьлизирира бутлакьандеш дариб. Крымлизив душмантачил ургьули калун. Керчь азадбалтахьнилизир бутлакьандеш дариб. ЧебяхИси Чедибдешла бархИи ил душмантазибад Чехословакияла тах шагьар азадбалтахьули ургьулри. 1946 ибил дуслизив сайри ил сунела шилизи чарухьунси. Ил баайчи ил гИяскарлизиб къуллукьбирули калунсири.

БягИуси михьирличир ордентира медальтира сарри. Дерхьибти шинкъян цИудара гьезла вегИ, разили пиширхьуси ил, бикИуливан, хИекьли ахИмакъ жагьил сайри. Илини лергИер жагаси рурси хИясибрариб. Илгьуналичил ютра тИашбатес вири, дурхИни абикьесра. Сарерхурси ва бузери дигуси сарри ил. Ил бара 16 дус сарри риубси.

Шила жагьилти цИудара душмайчил бургьес фронтлизи арбьякъунхИели, илра паргьатли калунси ахИенри.





Дербентла мякълар душманти хЛеба-кАхъес дебадешуни дирули рузули калун. Гъар бархИи хьунул адамти илаб I2-I3 сятГят бузутири. Замунти къиянти сарри. Амма адамти зигар-биклули ахИенри, лерилра цАкъани душмайчи къаршили дяхИчаилри.

Хьунул адамтас илхИелира тыл-лизир дарести дебали дахъал лерри. Султанханумлира дугурбазир бала-лизирад гьимирти лукУсири, гУр илдазирад ванати динди думхусири. гУр илди дергълизибти бургъантас савгъатуниван фронтлизи дурхъу-сири. Илкъяйда илини диндбала I3 посылка дергълизи дархъибтири.

Лукъманра Султанханумра хъал-лабиубтири I947 ибил дуслизиб. Гъа-ланачи илдасра хИербиэс буресцад гьамадли ахИенри – Лукъман дубурла районтази аркъуси гъуни бируйхИив бригадирли узулри. Илдала бригада гьундури дирантала юртлизиб хИер-бирулри. Илаб ца хъали бедилри Лукъманхъаласра. ИлхИейс илдала акУбли виштГалра леври.

Бузерилизибра, хъалициАала хИян-чилизибра, дурхИнас бяркъ бедлуг-нилизибра Лукъманра Султанха-нумра мурталра барх сабри. Цали итилла уркИи аргъибти адамти сабри. Илдани дурхИначира тIама ахъбур-цули хЛебири. Саби дурхИнанира бегИтази ил барахъес сабаб хИелуги. Уржибси, пергер хъалибарг сабри.

- ДурхИнас бяркъ бедлугнила шай-чирти хИела дигИядешуни лерли хИедиэс? – хъарбаира нушани Сул-танханумлизи. Урегал урши-рурси абикъес ва гИяхИти адамти бетаахъес бегИтала шайзирад дахъал къайгъни хИяхатти саригу. Нушала суалти аргъибхИели, Султанханум дукар-кУли сари. «Агара дила сегъунтилла дигИядешуни. Нуша илдас бяркъ бедлугулра или дузулира кахИелунра. Илди нушала мякълаб хИербирулри ва халабиулри. Илдани нушани кай-цУси гъарил ганз чебиулри. Илди нушазирад гъар секIал гIерасес гъазализибри. Лерилра хозяйствола хИянчилизибр дарх дузира.

Зейнудин нушала виштГалгъуна сайри. Дебали мицИираг дигуси вири. ТабигИятла жагати мерани чедаэс дигахъи. Илбагъандан урги ил гУр мешебей ветаурсира. ВацIа-ла техникум таманбариб. Диплом касили гIергъи сайри мешебей ве-таурси. Илала бахъал гьалмагъуни

бири. Гьалмагъдеш дузахъесрабали. Халати узбала халаси хИурмат бири. Илдасра сай дебали ахИерси сайри. Гъанна, ил нушала ургав мицИирли агархИели, нушаб иличила гъайди-кIесрагИядабли саби. Амма илизибад кабикибси баркъуди гъарли-марси мурул адамла сабри. Къияйзи би-кибти адамти балагълизиб батурси виалри, ну декIар иличи секъяйда хИеррикIес рирусири? Илкъяйда бурули сари нешли сунела игит ур-шиличила. «Дила лебилра дурхИни дебали гИяхИти адамти саби. Шукру Аллагъличи, илдигъунти дурхИни нушаб гибси. Аллагъли дилара

дилаван цархИилталара дурхИни чула бегИтази абикъахъес батаб. Дила дурхИназирад цалра арадешличи зи-гарикУли калунси ахИен. Аллагъли илди излумазибадрамяхИкамбирули сай». Султанханумли сунела някъби къукъубачи кадирхъули сари ва балга бирули сари.

Султанханумлара урегалра ур-ши-рурсиличибад акУбти 2I леб. Илдачибад акУбти биалли 38. Ил-дачибадра гъатIира акУбти кIел леб. Берхъибси наслу саби илдала. Шан-танира илдачи пахрубирули саби.

Сулгият БУЛГАЕВА



2015 ибил дусла майла I5-личив I7 сятГят диркуси замана мешебей Зейнудин Батманов Курахла районнизибси сунени къуллукъбируси вацIалис хИеруди барес дуравхъири. ВацIализир илини висуси виштГалла тIама аргъиб. Ил хъярхъли тIамаличи музаухъун. Ярагълабиубти урегал адам чебаиб. Илдани жагъил мурул-хьунул къукъумцбикахъилри. Илдала мякълав висуси виштГалра леври.

Зейнудинни жагъил адамти дурхИяра сабира баткаахъес тиладибариб, сай биалли илдала мерличив къачагъуначив ясирли калун. Илди ит замана вацIур-базиб хИербирули лебти муцIурти диханти къачагъуни сабри. Къачагъуни илини бурибси барес къабулбикиб. Мешебейла мобилниклизиб районна милицияла начальникла телефон чебаибхИели, хасмушуни гъатIира разибиуб. Илдани теле-фойзибад курахла РОВД-ла начальник полицейскийтала нарядличил илди лебси мерличив вакIахъес живариб. КIел дусла гIергъи дураберкIибси хасси операцияла замана уцибси къачагъ Нариман Башировли хабар бурибсири, секъяйдали чули милицияли «лайикъси гъунибаъни» хИядурбарес къас сабрал. Зейнудиннизи илдани маслигIятбарили буилри милицияла хИянчизарти вацIализи жибарахъ-ес, илди кабушес къасличил. Мешебейли, илгъуна барасли, ну адамтала гъала секъяйда дураулхъусира или аргъахъиб. Нуни хИуша дикIуси хИебирис, дигалли ну кавшабая илдала мерличив или буриб. Зулмурта биркъулихъалли, илдани саби бикIуси барахъес хЛебиуб. ИлхИели илдани мешебей кавшиб.

Илкъяйда ил гИяхИгъабза адамли сунела адамдешла чебла асилдешличил таманбариб ва вайнукъябас мутИигIхIекИиб. ИлхИели дакIударибти гъабзадеш багъандан 2018 ибил дуслизиб Зейнудин Батмановлис, вебкIили гIергъи, Рос-сияла Игитла хИурматла у бедибсири. ГИяхИгъабза халкъла уркIбазив даимлис мицИирли кавлан.

АхІерти дурхІни, удир гъандушибти дугъби къалабали тикрардарая

* * *

Мегъла мякълаб –
Макълатіс,
НухІкъадила мякълаб –
Дис.

* * *

Нушачи Шихша вашар,
Шабши дерки арашар.

* * *

Шуйна шел –
Гъану шура,
Гъал – нушаб,
Шел – ГІяшурас.

* * *

Вякъяр-къутІур –
Къадирліс,
Вякъяла къум –
Тпалиблис.

* * *

Лаг башуси гав бирар,
ХІебашул гавлаг бирар.

* * *

ХІявала – мявнар хІева,
Гавгъарла – вавнар хІева.

* * *

Къулай-къулайиалли,
Далай бучІа Къубайли.

* * *

Булатліс – мурталра бурт,
Бурт камбиалли – ягъурт.

* * *

ГІямарли ярма баргиб,
Ярмали ГІяра баргиб.

* * *

Ва абала Айбала,
Чинара хІела бала?

ДУХЪЛУМАЛА УМИ



Мямрачи мешути цедеш -
клюква



МяхІяула – боярышник



СусапІ гІятури – дикий лук



Чадури (къадала цедеш) -
ежевика



БухъутІа вава
(чайліс пайдаладирути къар)
– зверобой



ДухъуцІа ва манавша
рангла кІапІрала бегІ-
кипрей, иван-чай



Мижигъар, низгъари
(гІинтІ) – шиповник



РайхІян вава – мак



Бурбунар галга
(буреба кІапІи) – хвощ



Мижа – щавель



ГІява хІяхъли, гулуси –
конский щавель



ШинигІя, арціи къар –
лебеда

Журнал в журнале



ПИРОГ ИЗ ПЕСОЧНОГО ТЕСТА С ЗАМОРОЖЕННОЙ СМОРОДИНОЙ

Черная смородина в легкой меренге на хрустящем тесте! Вкусный пирог из песочного теста с замороженной смородиной готовится быстро. Это открытый пирог с богатой сочной ягодной начинкой, который хорошо подавать к чаю или кофе. Его можно готовить на десерт к разным праздникам в течение всего года.

Совет:

При выпечке пирогов с замороженными ягодами есть некоторые нюансы. Ягоды предварительно не размораживайте, обязательно добавьте загуститель – крахмал. Он не даст соку от ягод размочить корж. Время выпечки следует немного увеличить, чтобы замороженная ягода полностью приготовилась. Такие пироги лучше делать открытыми. Даже зимой вы сможете побаловать себя летним пирогом! Этот вкусный ягодный десерт готовится из замороженной смородины. Взбитые белки с сахаром делают пирог сладким и не дают вытечь соку от ягод.



ИНГРЕДИЕНТЫ НА 8 ПОРЦИЙ

ДЛЯ ТЕСТА:

*Мука – 1,5 стакана
Сливочное масло – 100 г.
Сахар – 100 г.
Яичные желтки – 2 шт.
Разрыхлитель – 1 ч. л.*

ДЛЯ НАЧИНКИ:

*Кукурузный крахмал – 1 ст. л.
Сахар – 100 г.
Черная смородина – 300 г.
Яичные белки – 2 шт.*

Время приготовления: 1 ч. В одной порции 276 ккал.

ПОШАГОВОЕ ПРИГОТОВЛЕНИЕ

ШАГ 1:

Подготовьте продукты для пирога. Смородину нужно брать замороженную, рецепт рассчитан как раз на это. А вот масло выньте из холодильника заранее, оно должно размягчиться. Вместо сахара в корж можно положить сахарную пудру. Крахмал можно взять картофельный, его нужно в два раза меньше.



ШАГ 2:

Муку просейте.



ШАГ 3:

Добавьте разрыхлитель и сахар. Перемешайте.



ШАГ 4:

Яйца разделите на белки и желтки.



ШАГ 5:

Добавьте в мучную смесь размягченное сливочное масло и желтки. С помощью вилки перемешайте муку с маслом и желтками до состояния крошки. Можно сделать это ножом, делая рубящие движения.



ШАГ 6:

Затем замесите тесто руками. Оно достаточно быстро соберется в шар.



ШАГ 7:

Форму для выпечки слегка смажьте маслом. Распределите по дну и бокам тесто. Делать это очень просто: тесто очень мягкое и эластичное. Отрежьте от теста кусочки одинаковой толщины и устилайте ими дно, слегка прижимая пальцами. Таким же способом сформируйте бортики. Уберите форму с тестом в морозилку на 20 минут.



ШАГ 8:

Разогрейте духовку до 200°C. Запеките корж в течение 15-20 минут до легкого золотистого оттенка. Выньте корж из духовки. Духовку не выключайте.



ШАГ 9:

С помощью венчика взбейте белки до бела.



ШАГ 10:

Добавьте сахар и крахмал, хорошо размешайте. Снова взбейте.



ШАГ 11:

Добавьте в белковую смесь ягоды. Перемешайте.



ШАГ 12:

На слегка остывший корж выложите начинку, равномерно распределите ее с помощью лопатки.



ШАГ 13:

Запекайте пирог еще 10-15 минут. Начинка должна застыть. Пирог получился очень вкусным! Несмотря на то, что смородина – кислая ягода, вкус пирога скорее сладкий, с легкой кислинкой. Меренга слегка запеклась и похрустывает при еде.



Салат с курицей, овощами и маслинами

Салат с курицей, овощами и маслинами – блюдо изысканное и аппетитное, достойное даже праздничного стола. Все компоненты прекрасно сочетаются между собой, а французская горчица, которая служит заправкой для салата, делает вкус ещё богаче и ярче.

ИНГРЕДИЕНТЫ: на 2 порции

Филе куриное – 300 г

Помидор – 120 г

Огурец – 100 г

Маслины без косточек – 100г

Сыр твёрдый – 100 г

Масло растительное – 1-2 ст. ложки

Горчица – 1,5 ст. ложки

Кунжут белый – 1 ч. ложка

Соль по вкусу

ПРИГОТОВЛЕНИЕ:

- Подготавливаем продукты. Куриное филе промываем и нарезаем тонкими полосками.
- В сковороде на растительном масле обжариваем филе до румяности (около 5-7 минут). В процессе жарки солим. Затем готовое куриное мясо откидываем на дуршлаг и даём стечь лишнему маслу.
- Маслины нарезаем колечками.
- Сыр нарезаем кубиками.
- Огурец нарезаем кубиками.
- Помидор также нарезаем кубиками.
- Соединяем в миске остывшее куриное филе, помидор, огурец, маслины и сыр.
- Добавляем горчицу.
- Перемешиваем.
- Салат с курицей, овощами и маслинами посыпаем кунжутом и подаём к столу.

Приятного аппетита!

ЕСЛИ ВЫ...

- сварили компот, но он еще не остыл, поставьте кастрюлю с компотом в большую по размерам посуду с холодной подсоленной водой.
- решили приготовить блинчики, рекомендуем налить тесто в бутылку. Таким образом наливать его на сковороду будет значительно проще, а остатки – легче хранить.
- столкнулись с проблемой чистки со-сисок после варки, просто проткните их в нескольких местах вилкой перед погружением в кипяток. В результате пленка отойдет без труда.
- во время варки яиц добавьте в воду немного соды, скорлупа снимется быстро и легко.
- решили приготовить отбивные, на-кройте мясо пищевой пленкой, а затем отбивайте. Таким образом удастся сохранить чистоту молотка и защитить кухню от брызг.
- хотите, чтобы сыр не покрылся плесенью в холодильнике, смажьте срез сливочным маслом. Тогда верхушка сыра дольше останется незаветренной.
- не можете открыть банку с закручивающейся крышкой, опустите ее на пару минут в горячую воду. Теперь банка с легкостью откроется.
- хотите в духовке без термометра проверить температуру в 200°C, насыпьте капельку сахара. Он плавится при температуре 186°C.
- хотите удалить неприятный запах рыбы при варке, добавьте в воду корень петрушки или сельдерея.
- хотите разогреть блюдо в микроволновой печи равномерно, сделайте в центре еды отверстие. Такой способ подходит только для твердых блюд, например, макарон, риса и т.п.

ЗНАЕТЕ ЛИ ВЫ?



Что самый большой **ПАЗЛ** в мире состоит из 51300 деталей? Мозаика примерно 8,69 метра на 1,9 метра посвящена 27 чудесам света, которые надо собрать в единую панораму. Выпустила ее компания «Кодак» в 2020 году.

Изобретателем первых пазлов принято считать лондонского гравёра, картографа и издателя Джона Спилсбури. В 1971 году он наклеил черно-белую гравюру географической карты мира на тонкую деревянную панель и распилит ее лобзиком по контуру государственных границ. Получилось новое учебное пособие – «разрезанная географическая карта». Ученик собирал карту и быстро ее запоминал. Уроки географии превращались в увлекательную игру, что способствовало хорошей успеваемости даже ленивых учеников.

Спустя несколько десятилетий пазлы начали использоваться не только для изучения географических карт. В 1909 году в США открылось первое фабричное производство по изготовлению пазлов со скрепляющимися частями, которые с тех пор стали популярны во всем мире.

В Россию пазлы стали завозить из Англии в начале XX века.



Что **ПЛАСТИК** разлагается на протяжении 300-500 лет. На планете Земля производится 270 миллиардов бутылок в год. 8562 бутылки оказывается на свалке каждую секунду. А из-за своего сверхлегкого веса пластиковая тара рано или поздно попадает в водоемы и мировой океан.

В океане есть целые «мусорные острова», которые занимают не один километр водной территории! Постепенно соленая морская вода разъедает пластик, который разваливается на мелкие части и смешивается с планктоном, попадая в пищевую цепочку рыб и морских млекопитающих. А затем у вас на столе оказывается отборная свежая семга, нашпигованная химией, прямо из мест своего обитания. Или вы идете в престижный ресторан вкушать суши с сырой рыбой, вскормленной пластиком. И если вы надеетесь на добросовестность владельцев заведения, которые дорожат репутацией, отбросьте вашу наивность – мельчайшие пластиковые частицы есть в рыбе со всей планеты. Их, может, не видно невооруженным глазом, но они прекрасно накапливаются в организме: сначала рыбном, потом – нашем.



ИЗЛУЧЕНИЕ ОТ МИКРОВОЛНОВЫХ ПЕЧЕЙ НАНОСИТ ВРЕД ОРГАНИЗМУ

Любая микроволновая печь работает благодаря встроенному в неё магнетрону, который при вибрации образует микроволны, разогревающие пищу. Нагревание пищи происходит за счёт того, что молекулы воды в пище резонируют и выделяют тепло. Как полагают современные учёные, такой способ подогревания пищи лишает её полезных свойств.

Современные печки имеют более высокий уровень микроволновой энергии, а значит, площадь распространения излучения становится выше. Всемирная организация здравоохранения (ВОЗ) на своём сайте утверждает, что если человек находится на расстоянии 50-60 см. от СВЧ, то риск облучения снижается, но тем не менее сохраняется.

ПИЦЦА ИЗ МИКРОВОЛНОВКИ ПРИВОДИТ К БОЛЕЗНЯМ СЕРДЦА И ОЖИРЕНИЮ

Один из ведущих западных порталов о здоровье – YMS – в проведённом исследовании

доказал, что приготовленная в микроволновке пицца приводит к ожирению. Ввиду того, что приготовить еду в микроволновке быстрее и проще (особенно на Западе, где большой выбор уже готовых блюд), человек употребляет её больше и чаще, провоцируя ожирение.

Вместе с тем готовые блюда сами по себе являются малополезными, обладают огромным количеством жиров и консервантов, что, в свою очередь, приводит к проблемам с сердцем и закупорке сосудов. Безусловно, это не прямая вина микроволновки, но один из факторов, говорящий о её вредности.

Исследование 2010 года, проведённое Университетом Трента, завершилось выводами о том, что микроволновое излучение воздействует на сердце людей, использующих кардиостимуляторы. Данное исследование было подтверждено заявлением ВОЗ о том, что сердечные стимуляторы действительно чувствительны к интенсивности микроволн, а значит, людям с кардиостимулятором однозначно стоит отказаться от СВЧ печей.

ВРЕД МИКРОВОЛНОВОК ДЛЯ ОКРУЖАЮЩЕЙ СРЕДЫ

Недавнее исследование учёных из Университета Манчестера доказало, что при использовании СВЧ печей выбрасывается такое же количество углекислого газа, как от нескольких миллионов автомобилей. Необходимо отметить, что данное исследование проводилось на территории Евросоюза, где люди гораздо больше озабочены проблемами экологии.

Микроволновые печи, по мнению учёных, не только вырабатывают углекислый газ, но и значительно повышают количество потребляемой электроэнергии, тем самым оказывая огромное влияние на окружающую среду, начиная с производства топлива и заканчивая непосредственно выработкой электроэнергии.

Несмотря на указанные выше факты, ВОЗ утверждает, что если пользоваться микроволновой печью строго по инструкции, следить за её исправностью, а пищу разогревать в стеклянной или керамической посуде, то СВЧ печь станет надёжным помощником.



Однако ввиду того, что факторов, которые подтверждают вред микроволновой печи, больше, рекомендуем следующее:

- Замените СВЧ печь пароваркой: это гораздо более надёжный и полезный прибор.
- Не покупайте «быстрых ужинов» и другой аналогичной продукции, планируйте своё питание, готовьте себе сами.
- Если у вас есть желание сохранить в своём доме микроволновую печь, то не допускайте к ней детей, беременных женщин и людей, имеющих проблемы с сердцем, пока СВЧ включена, старайтесь находиться как можно дальше от микроволновой печи в момент её работы.

Надеемся, статья была вам полезна.
Будьте здоровы!

Посуда для СВЧ печи



Нельзя готовить и подогревать еду в металлической посуде или посуде с металлическим напылением «золотым ободком».



ТРУСЛИВЫЙ ЗАЯЦ

Рассуждал однажды, говорят, заяц сам с собой: «И что за горькая жизнь у меня! Люди не дают мне покоя. Волки не дают мне покоя. Орлы не дают мне покоя... Всех я боюсь, всегда я дрожу. Трусливей меня, верно, нет существа на свете! Лучше умереть, чем так жить!»

И отправился, говорят, заяц к морю, топиться.

Вот пришел заяц на берег моря, а там на берегу паслись овцы. Как увидели

овцы бедного зайца, разбежались в страхе кто куда...

Удивился заяц, кувыркнулся от радости через голову:

- Ого, есть, оказывается, кое-кто трусливей меня! Так нет же, не брошусь в море!

И побежал заяц, гордый и веселый, домой в горы.



Ил хлушаб гяжаибсиван ка-
бизесра асубирар, амма ну
дурхІнас хІязла ваяхІ дир-
цуси туке мякларад авараагарли
шалгеррухъес сеналра хІерирус.

Селичибалра дила пикри битІ-
кІу начурбани: гамса ва шаласи
рангла камла дегІти, хъанца ва
къерхе хІулбала дегІти, цІуба,
къерхе ва шинкъянцІудара рангла
гъезличилти дирар илди. Илдази-
рад цацадехІли гъайдикІесра бала.
Ну витринала гъалар гІашрилзулра
ва илдазирад наб бегІлара жагари-
зурси начилис хІули линкІбирулра.
Ва илизи рикІулра: «АнцІбукъи
хІебиэс? КъяйцІрухъес дигули
хІериши? Раши набчил! Дила
рурсилис гъалмагъ ретаруд».

Нуни ил начи набчил аркулра ва
хъули ратрихъилра, гъуникад илис
дила рурси секъяйда разирирарал
пикририкІулра. Ил сарира хІябал
дус саригу риубси, къаркъайзи-
радра начиличир цакъадар рургар
халасира.

Гъачамра ну дила ралликъяна
Беризатличи шадир рукъес хІя-
дурриублири. Нуша гІяхІцадхІли
цали ца чедаили ахІенри, нушала
цали итиллизидурестира лерри.
Иличи рукъес гъалар ну хІязла
ваяхІла тукейзи музарухъунра ва
илала хІябал дус риубси Земфирас
начи асира. Мургъили гъезла регІ
ва закла дарайван хъанца хІулбар.

Беризат ну чераибхІели дебали
разириуб. Дахъал суалти хъардаиб.
Гъайлизи рархібси нуни илала
рурсилис асибси начиличила хъу-
мартурра. Къанниван нуни набчи
ца гІяжаибли хІеррикІуси Земфи-
рачи пикри бяхІчаира.

- Агъ, хІу дила риштІаси,- мал-
хІямли ира нуни.- ДилакІун хІед
савгъат лебси саби. Ва илис начи-
личилси жагали бигъунси авмузан
пакет гъабуцира:- Абхъа, гъари, се
лебал. Рируду абхъес?

Илини кункли бухъутІа лента
арзиб ва тІакъа абхъиб. Рурсила
хІулбазир гъачамлис авараагардеш
лералри, пакетлизиб се хебалкІун
илини гъачамлис чебаили ахІенри.
Илини дила начи пикриличил
хІербариб, ил хъули арбухиб ва
цархІилти сунела начурбала мякъ-
ла кабихъиб.



НАЧИ

*ГІямру – ардякъунти бурхІни ахІенну,
хъумхІертурли калунти сари!*

П. Павленко

Илини наб я баркалла хЛебагъахъур. Начиличира илцад пикри бяхИчихИеиб. Нуни къалли ил разириубалра багъес хЛериубра. Ил сен илкъяйда авараагарсиван каризурсил нуни аргъесра хЛериубра. Ишис дигуси савгъат асес багъурли хЛериуилра или ну пашман булан риубра.

- Сен лехИкахъилри?- рикIар рурсилизи Беризат. Рурсила жаваб хЛергъибХели, ил нуша лерси хъули рухИнарухъун. Ца гIямзилар паргъатли кадиибти ну чурбачи хЛерризур ва иб: «Лерилра савгъатдарибти сари. ХIунира ишис начи асили руилри». Ва Беризатлира мурхъси гъигъабатур.

- Ге, амма...

- Гъанна цархИил замана саби,- илини ну кIапIруцира ва иличил гъар секIал аргъахъиб.

Рурсили илдигъунти дяхI кадуцибХели, рачарахни багъандан наб цахбизур. Нуша кIелра гъайкадухъунра.

- Аминат сен сари? Ил секъяйда хЛерриуливи?- хъарбаира нуни. Гъай нушала дурхIядешла гъалмагъ рурсиличила диаллира, нуша кIелра цаван пикридухъунра.

- Гъанбиркуру?- барх ира кIилинилра.

Гъайгъай, гъанбиркулри. Иличила хъумартес асубирусирив гъатIи? Амма ну дебали разириубра, иличила Беризатли гъаннара хъумартурли хЛериъниличила багъурХели. Рахли, илини иличила хъумартурси риалри... Ил... Ил вершадеш дарнигъуна бетарусири. Илини нушала дурхIядешлис вершадеш дарни бетарусири. Марлирагу, илХели нушала иш гъунибаънира гIямрулизиб бегIла гIергъисили бетаэс асубири. Илди гъанбикунани сарригу ну Беризатличи илкъяйда ритИкIусира.

- Гъанрикуру Маша?- дукарряхIиб Беризат.

Маша бикIусири Аминатла начилис. ДиштIали дирухИели нуша ил начиличил хIязтадиркъули калунтири.

- Гъанбиркуру, хIушачиб дуги беркIес аркъухИели ил начира нушани барх касили?- гъай даимдариб Беризатли.- Иличила багъурли Аминатла нешли рурсилис дяхъибтири.

Нуша пикрумизир гъанна дурхIядешлизи чардухъири. ИтХИели дергълис гIергъити жапати дусми сарри: бахъалгъунти адамти гушлири, дуркъа палтарли бегIбиублири. Нушабра делкъайчи дукес биркули ахIенри. Нушала дудешуни дергълизибад чарбухъири. Амма нушани илди камли сабри чебиути, сенIун илди бузерилизи бархилри. ИтХИели гъаннаван жагати начурбира хIедири.

- Пакъир Аминат,- дукелцIиличил рикIар Беризат,- илини начи багъандан балликъянаби даимлис беткайхъахъули хIилхIи калунтири.

- Сунела бекIра,- имцабарира нуни.

- Гъанрикуру, секъяйдали рарскъа ририл илала рузи...

- Гъар секIал ил багъандан ахIенрив детаурти?

- Ил мурталра нешлизи нушачила гIярзрикIусири.

- Гъарли-марси мезлукъа сарри!- гъанбушира нуни тIягIямагарси гъай.

- Нуша декIар сегъунтирив? – гIурра гъигъабатур Беризатли, черкадерхурли, гъар секIал хъумуртирагу, амма дитибти хуриван кадизурли дирира. Нуша гIурра илдачи шадир дашутири.

- ХIед гъанбиркуру,- пишряхъиб Беризатра,- нушани сягIятунадли Аминатла виштIалгъуна вабза узис къуллукъбирули?

- ЖIягIял наб Аминатличи рукъес дигулра,- рикIулрану.

Ил дуги нуша къанни дугилира хIедусули лералри. Гъанбикунани дусахъес далтули ахIенри. Гъанбикунанира ца итилличил дирхутигъунти сарри. Нушани итХИелила нушала ши гъанбиркахъулри, шилизибти гъалмагъуначила гъайдикIира.

Къанни сарри дусес кадихъунтира. Гъанбикунани нушаб дусаахъес имкан лугули ахIенри. Ца гъанбикли цархИилличи ардикутири.

...ШалгIердухъун дергълис гIергъити верхIел дус. Нура дила зилан рурсбира урегал дус дирулри. Яни челгъес дабруми диули ахIенри, яргали сарри къакъализи дурадулхъути. Нушачирти дуркъа пальтобачирра чебиълуми лерри. Амма тамай хIеб садаибХели, нушани гъар секIал хъумуртутири. Школализи дашес дехIдирхъуси дусра жагали бехIбирхъусири. Эгер шагъарлизи вякъунХели дила дудешли начи хибси виалри...

Нуша имцаIаливан хIябалра хIязтадиркъутири. ИлХИелира имцаIаливан Беризатхъалачир. Дячунти тIалхIянала бургIлумазибад, гIягнала бутIназибад нушани хIязла ваяхI бирусиири. Гъунчиб баргибси белтIунси хIяжланкIила герглизибад нушани начи бирусиири. Иличи бабза кIана чебирхъусири. Жагаси читла кесеклизибад илис хIевара бирусиири. Агъ, итХИели нушани ил начиличил дирути хIязти! Ил нушани русахъесра кариркъусири. Иличил ихтилатдикIутири. Иличи нушала сегъуна разидеш бирил! Гъанналарурсба жагаси начиличира илгъуна разидеш чебиахъули ахIен.

ИтХИели нушани гъарли-мрти начурби чера даили ахIенри. Гъачам сенрил нушачи Аминат хIеракIиб. Беризатра нура илдачи ардякъунра. Илдала хъалибарглизиб хIябал узи-рузи бири. Илдазирад Аминат халасигъуна сарри.

Нуша илдала хъули адацIибХели, Аминатра илала риштIалгъуна рузира варгъи чебушибси тахличиб халаси начиличил хIязлизи абархилри. Нушани гъигъбатесалра дирули ахIенри, илдала начи чебаибХели тамашадиубли. НушаникIун илгъуна начи бегI гъалаб сабри чебиуси.

Аминатла дудеш колхозла бухгалтер сайри. Ил шагъарлизи вякъи уилри ва рурсбас илгъуна пергер начи хили уилри.

ГIур Беризат дуцIли рузбачи ретаиб ва начиличи къячрикун: «Секъяйдали жагаси начил хIушала! Секъяйдали жагатил илала гъез! Нушала Машачи мешуси саригу!»

Беризатли цаагили начи гаприулри ва иличи къячрикIулри.

- Хердизираягу, ишкун нушала тухтур Машачи мешуси саригу,- риклури Аминат. Ил начилис Маша риклескарииб.

Нушала шилизиб ногъайлантицун сабри хербирути. Илар Маша биклуси ца урус хьунул адам сарри лерси. Ил нушачир фельдшерли рузусири. Шила хьунул адапти гамса рангла сабхели, Маша шалати рангличил ва хьанца хулбачил декларулхьусири. Шила биштати, ил кьакъализир чераалри, «Маша! Маша!» или вьвбиклули, илис гелабад дуцбулхьутири. Ил нуша гердаахьес гашрилзи. Гьарилла бекличабад някъ чедибурки, гяхицад замана нушачил рарх гуйчирад раши, лерилра сунела мяклар диахьубли. Шила адаптас ил дебали ригахьи. Лебтанилра ил чулайзи халриусири. Иличил нушала шила хьунул адапти ногъайлан мезли бири гъайбиклути. Амма илини нашала иргъусири.

Нушани начилис сунела у бихъниличила багъурхелира, Маша нушала баркьудиличи разириубсири.

«Маша» начи рагъарриубли гергьи, нушани дирути начурбачил хязтадиркьес дигули ахенри.

Ил начи лебни багъандан нуша имцаливан Аминатхъалачи цаладиркутири. Нушала тама-гъама Аминатла нешлисра детили дииши, илини нуша цаладиркниличи разиагардеш далахьулри. Амма цархил бареси аги. Нушани цаладикили Аминатхъала хъали бирцахьусири. Амма Аминатла неш нушачи гьимхеруркляхьес багъандан илала хъали умубирусири, гьаргни далхутири...

Амма нушаб мурталра Аминатла рузи диргаларулхьусири. Ил гъаман нушачила сунела нешлизи гьарзрикли. Аминатлира балулри рузила ил хасиятличила.

- Секъяйдали вайси саррил ху!- разиагардеш далахьи Аминатлира.- Хези хязтариркьахьес нуни начи хегирав?

- Хуни хела балликъянаби багъандан мурталра ну гьиммуркляхьулра,- иличира зигаррикли ил.

- Рашен набчирад! Ху мурталра нушачи кьаскарирулри!- рургъи илис Аминат ва нушачил рарх хязтариркьес хъа гела ардикира.

Цацахели нуша Аминатла нешлира чучирад кьаркьли дугиутири.

Сенрил гъачам бархехъла замана Аминатлизи хяз барес начи гахьес тиладибарира. Нешлизирад урухкули риаллира, Аминатли нушази начи гиб. Начиличил нуша Беризатхъалачи ардякунра ва илдачиб хязтадиркьули дуги беркес пикрибарира. Беризатла неш чаррухьун, нушазиб начи чебаиб ва иб:

- Секъяйдали жагаси саррил ху! Хязлиси буили ахен хязтабиркьес нушала рурсби хечи дуцбиклути,- риклар ил ва, нудбира кьабшдуцили, имцабариб:- Риги хедишиша, рахли?

- Ахенра,- ира нушани.- Ца дугилис нушази сасибси сари.

Беризатла неш пашмай пишряхьиб. Пикрикарухьун, амма селра хеиб. Савли нушани начи сунела реглизи чарбарира. Аминат хъа бяхличи хъарряхьи или гашризурли, рисулри. Нушани балули ахенри,

ил сен рисусил. Се сабил биубли биъниличи нуша шакдиклури.

- Начи багъандан нешли наб дяхьиб,- зигаррухьун нушази Аминат. Демдурти ва нургъбадицибти хулба нушачи ил херризур ва гяшли иб:

- Къалабадикирая ардукьес, нешли хушабра дикахьес асубирану.

Камси заманала гергьи, Аминатла неш ганзила бекличир рагъарриуб ва нушаб вьврикес ва рургъескарииб:

- Пяхли дуэная, вайнукъяби! Хушала ишаб гур къаралди хебиэсли! Хушаб мага асибси хебиэсгу начи! Черхедиркутираяв?! Гьарбархи унабурхличиб саби... Сунеларузилизи лугули ахен, урхила рурсбази хули бухахьес булан бедлугули сари,- рургъескарииб неш Аминатлисра.

Нуша чумал бархи Аминатхъала юртличи гъамхедиубра. Гъайгъай, начи агархели, нушаб вайтари. Сари Аминатра илди бурхназир нушачир рагъархериуб.

Беризатра нура нушала дуркья начурбачил хязтадиркьулри. Ва «Машачила» пикридиклули ахенри. Гьатгир хябал бархи ардякунхели, Аминат сари нушачир рагъарриуб. Ил дебали чукуъариублири, дяхила ранг цубдиублири. Илини буриб:

- Нешли гъанна начи набзира лугули ахен. Ил гъанна риштлал рузила бетаурли саби.

Нушани раллкьяна паргъатрарира. Ил начи нушаб гъанна хязатли ахен, гьаларла начурбачил хязтадиркьулра,- бурира илизи нушани.

Нуша гьаларла начурбачи бурсикадиубра. Амма Маша гъанрикалри, лебтанилра мурхьи гьигъани адалтутири.

Гъачам дила дудеш шагъарлизи укьес хядуриуб. Илини нушала хуличирад дакибти къабакъуни ва цархилти овощуни дицес гьагниттири.

- Дудеш, хуни наб халаси хьанца хулбар начи аса!- ира нуни.

Дудеш асесра къабуликишигу, амма дила тилади нешли аргъиб:

- Вари, дила рурси, тиладимариклуд. Илини хед секъяйдали начи исуси? Хушалакун кьашмачи чегьес дабрира агарагу. Хушаб гяхити палтар асесра бетарули ахенгу ишдус.

Илкьяйда дила хул гурра гьархебизур. Херикиб наб начи. Ну халараира, школа таманбарира. Ручес университетлизи карерхурра. Гъанна дила дурхни леб. Илдала чумра начира лер, жагати, халати, гъайдиклути... Амма дила хулби ит нушани сунес Маша бихьибсигъуна начи чебаэс тукентазир мурталра умцули дирар.

Ил дила дурхядешлизир даимлис калунсили ретаур.



ГІЯМРУ ДАИМДИРЕХІЄ

Лебил дунья, ванза, адапти, жаниварти, арцанти уркідохъеси, кахдиэси, урухдиэси заманара дусра сарри. Гъанна дуньяличи хІербирули лебтас илгъуна къяяма биэс бирниличи бирхаэсра гъамадли ахІен. Амма нуни буриси анцІбукъ гъарли-марли бетарси саби.

Цудара урчачи мурдали, цудара дяхІла бегІти, гъярца хІулбарти, вайли гягІбикІути адамтала хІурбунани дубурти дурцули сари ибси хабар шимази ва махъурбази тІинтІбиублири. Махъилизив къяшмачи кайзурли ярагъ някълизи буцес вирус мурул адам кали ахІенри. Лебилра, кІел жумягІ гъалаб, махъурбала жамигІятунала жи хІясибли, дергълизи арбьякъири.

Махъилизиб калунти биштІа-халати ва хъунул адапти гІяхІси хабарличи хІерли, кІел жумягІ дикилри. Гъанна хъулиб лебалтала уркібазиб гІяхІдешличи хъулра кали ахІенри. Махъилизирад чехІейути, гъарахъти дубуртала хъябахърумачиб биубси дергълизиб, бахъал дубурлант гІяхІгъабзала бекІали алхи биъниличила хабар бургъантала хъулрази баилри. Дубурлантала цахІнадикибти гІяскуртани бахъал душманти къирбарилри. Се гІяхІдеша, чесадашуті хІурбунала дахъдешли, илдала цакъ бячІири. Душмантас гъалабизес дубуртазиб гъанна, чилра я селра кали ахІенри.

Челябкъуси урехили уркіаили, махъила хъунул адапти, биштІати, бухънаби вегІ-вегІла хъулрази пяхъбикили дигІянбикилри. Дергълизиб алхунти гІяхІгъубзнас бисаяс кадихъесалра чисалра гъанбиркули ахІенри. Челябкъуси урехила гъалар, биштІаси махъила халкъли, лерил секІал хъумкартурлири. Биалра, гІямру даимдиахъес гІягІничи биъниличила лебтанилра балулри.

ХІяйван-къача мазала-мас лебалти гІулухъа уршбани шилизирад гІяхІцад гъарахъти гІинкъурбази дигІяндарес ардукилри. Чумал, бурги хІяна, бухънабани чула уршбала хъунри рурсби биштІатира сабира махъилизибад арбукили, вацІурбази дубуртала гІинкъурбази дигІянбарилри. Мурул адам чучил варх агарли, махъила дура арбукъес урухІути хъунул адапти, чула хъулразир дигІянбикести мерани даргили, дурхІнира сабира махъилизиб калири.

Авал дус виубси уршила някъ буцили, дусра хІериубси рурси къакъличи гІелахъили, ца някълизиб арбухес рирусигъуна беркесиара барх касили, гІянручІла цІябдешлизир, махъилизирад сарицун Издагра дурарухъун. Сари чина аркулил, сунечи се хІерлил илини балули ахІенри. ЧехІебиуси, амма гъавализиб алавчар жургъбикІули лебси урехила кахдешли, сари акІубси махъилизирад дураряхІ гъайриахъублири.

Издаг шиличи бяхІчиси бегІла ахъси шурличиряхІ гъайриуб. Шала дикес гъалар, къаркъубар дякъличирад ахъси музаличибси шурла бехІличиряхІ черяхІрухъун. Илабси шурмала бетуцлизиб гъарахълибад чехІебиуси биштІаси гІинихъ лебниличила балусири. ГІинихълар

уриъла калунти мурализи уршира рурсира дигІянабариб. Дугели бусес хІебикибти биштІати гъамадли бускаун. Издаглизи урехили гъанкІ бархъбатахъурлири. БиштІатала мякъла кариили, сахъли алавчар хІеррикІулри.

Дубуртачибад берхІи гІяхІцад ахъбиубхІели, махъилизи аркути лерилра сера гъундурачиб цІудара урчачи мурдати, ярагъладиубти гІяскурти дакІудиуб.

Марлира, душмантани лебил дунья цІудар барилри. Шимазирад ардукибти, дигІяндарибти мазала мас, хІяйван-къача илдани гъамадли даргилри. Илдала хІункъри, цабехІтани, саби бакІибти гъундурачирад ардикулри. Бухънаби, хъунул адапти, биштІати баргибси мерличиб кабурушурли, урчазі ганзбирахъулри.

ЖихІебарибти гІяхІлани, чумал гІулухъа урши кахІебушили, гІелабад гъуцачил къужбикІули махъилизибяхІ гъайбарилри.

Цударли далути гІяскурти махъилизи авалра шайчирад духІнадухъун. Дахъал урчала ганзла тІамали дунья гардарбирулри. ГІяскуртала гъалаб башути махъила дайлабси майдайчи сабаиб. Илабси хІяйванти шинни далхес барибси кІавлизирад урчи шинни дахун. Урчала дахъдешли, кІавлизирти шин булан кадерхахъур.

КахІебушили лебалти гІулухъабала къукъя, махъила майдайчиб, бурги ахъли кадуцили, душмантачи хІербикІулри. Илди урухбикІес бамсурли, гъанна селалра авара агарбиублири, цакъбиублири. БусягІят-дигара бекІес хІядурбиублири. Душманти селичи-сабил хІерли каби-ибтигъунтири. Уршби кабушес гъалакбикІули ахІенри.

Махъила дайлабси гъярца къакъализивад, илдачивяхІ дяхІиван цІуба муцІурлара бекІлара вегІ ухъна дуравхъун. Дахъал урчала ургабад, майданничи вакІес илис гъуни бетатур. Иличир шиниша рангла къичура, цІудара хурумла чакмара, бекІличиб хъанцІа мукъарла гулила къапІара сарри. Уктемли вегІиубли виалра, сунечи хІеръибхІели, ухъна душмантала уркецІиличи хІерли виъни багъеслири. Сунечи хІербикІути гІулухъабачи, илини, хІулби ахъдурцули ахІенри. Илис рахли беталли, уршбала жан дерцахъес дигулри. Ухъна урчачи мурдати, алавчар тІашти душмантачи яргали хІеризур.

Душмантала дяхІличи хІерикІули, илдала уркіиличибси пикри аргъес, ухънани хІейуб. Сунела уркіиличибси илдази аргъахъес дигули, бекІ къухІкабуциб, багълали гІяшкайуб, гІур илдала гъалав къукъубачи викиб.

Ухънани илгъуна бирниличи хІерли кабиибтиван, душмантани разити тІама-гъама ахъдуциб, дукаркІули, ябулаван халати, нядешли цІударли далахъути цулби гъаркадакІахъиб. ГІур багълали, илдала дяхІяназибси разидеш бишун. Илдас дубуртазиб алхунти чула гъамти гъанбикили биши, лебилра цаван бамкъур, ухъначи бяхІчили тІашкабизурси мурдабала къукъя гъалабяхІ гъайбиуб. Гъалаб башуси урчили ухъна хъасализи гераиб. ГІелартани чула къяшмачил хъасализи гъудурвариб.



Илмадан, лебилра уршби душмантачи хъямбикун. Гъарилли ца-ца чула уди бакахъиб. Бетаурсиличила душманти пикрибухъайчи, илдала къяртГайзирти ханжулти душмантала чурхрази аГлахъун. Гур игитунала чедибадра урчала хЛуреба къунзбухъун. Ванзаличир хясара хИира калун. Душмантани мурала Глебнази, декла зуррази ца дуршес бехЛбихъиб. Махъи цАализира гавлизира Глелабушиб.

Урчачибад кабацИили душманти хълрази бухИнабулхъес бехЛбихъиб. ДигИянбикибти хъунул адамти, биштЛати хълразибад дурабуршулри. Хъунул адатачиб урези-урехи агарли чебдукарбирхЛулри, гур чус дигуливан хъунрира кабуршулри.

БерхИи хЛерила гЛергъиличи гъамбиубхЛели, душмантас бареси махъилизиб селра кали ахЛенри. Махъила майданничиб урехили халадаахъибти хЛулбира сабира гъал-хЛябцАалицад, вецАал дусра хЛебиубти уршбирурсби мицИирли лебалри. Хъяшни бисесра бархли урухКлули, ванзаличи хясализи кабиилри. Махъилизиб бигес бируси бигубли, гъятАес вирусигъятАили, бигЛес вирусигъамбарилри тамандиублири.

Душмантани мицИирли лебалти хъяшни, вавбикЛули кабибси мерличибад ахъбуциб. Шила дурабяхЛ аркъусигъуйчибад гъайбиахъес буйрукъбариб. БиштЛати башули шила дубларти хЛябрала мякъла бетаиб. Илаб, душмантас се гъанбикибал, биштЛатала Глебад мурдали башес сабур хЛебаиб. БиштЛатала къукъяла чедирад чула урчи дуцЛили гъайдариб. Урчала ганзла гурла тАамали биштЛатала чЛярла тАама бикъахъули ахЛенри. Дарес гЛягИнити душмантани дарили хъараахъур. Гур цалра кахЛели, махъилизибад арбяхъун.

Гъанна илдани чула цЛудара гъуни, цархИил махъилизибхЛ даимбарилри.

Издаг, бархИи Глелабикайчи, нургъби агарти бисали рисули, шиличи хЛеркарикЛули калун. Лерил секЛал

гЛячихъли чехЛедиули риалра махъиличи сегъуна балагъ бакИлил балулри.

Глелабил бархИи савли чераргъибхЛели, Издагли чинавалра цалра душман чехЛеиб. Дубуртазибад илди бакИбтиван хъярхъли бетра бетакъиб. Биалра, урухКлули, гурра кЛел бархИи, Издаг махъилизи чаррухъес хЛериуб. ХЛябъибил бархИи, сунени хибси беркала аберхур, цундешра анцДукъун. Издагли махъилизибхЛ гъуни буциб.

Махъила майданничиб, шалали ухуси БерхИила удиб гЛулухъа уршбалара, душманталара лига-къякъя декЛардирули кЛелурши абархилри. Илдацирра риштЛасигъуна ца рурсини уршбас кумекбирулри. Гур махъилизичилра мицИирли кали ахЛенри.

Сунела биштЛатирасарира Издаг майдайчи раибхЛели, уршбазивад халалгъуна селра хЛебиубсиван, иличи дугъаизур.

-- Зизи Издаг, нушани иш хЛянчи таманбирехЛе, хЛуни нушабра хЛушабра се-биалра баргили, беркеси хЛядурбара.

-- ГЛяхЛси ахЛерти, гЛяхЛси. Нуни гъай-гъайра, се-биалра беркеси хЛядурбирис.

-- БархЛехълис нуни къулира мазара хъули леркис. ХЛябал мазара, кЛел къялра, ца къачара душмантани чехЛедаили уркалун. Нуни илди дугахъес дархъкадатурра.

-- ХЛябра гЛяхЛси барилри. Къулира мазара нушаб гЛягИнидиркур. Нушаб гъаннала гЛергъи хЛердиес гЛягИнили саби.

Уршбира рурсира сагали чула хЛянчилизи ахъиб. Илдани махъила уршбала чархЛА биркЛанти мяхЛкамли, хЛябразибад хибси ганзиличи кацирхъули, душмантала хясализи лайдикЛулри.

Издаг, биштЛатирасарира, сунела юртличиряхЛ ахЛи, махъилизиб арали лебалсигъуна юртлизиряхЛ гъайриуб.

МУЪМИНАТ ХАТТАЕВА





ЧЕМПИОН

Азадли мушул башни Дагъистайзиб бегларамашгурси спортла жура саби. Нушала республикализиад бахъал спортсменти ил шайчиб машгурбиуб: Россияла, Европала, дунъяла ва Олимпиадала хІязанала чемпиони бетаур. Илдигъунти леб мурул адамти ургабра. Камли ахІен хъунул адамтала лугИилизибадра. Пергъити дусмазиб хъунул адамти ил шайчирти сархибдешуначил декІарбулхъули саби.

Светлана Геннадьевна Грачева – тренер, азадли мушулрашуси мушлукъя, Россияла хІяйна чемпион, Дунъяла кубок багъанданти абзаначир жармала медальличи лайикърикибси, халкъани-ургабси спортла мастер сари. Тренерли рузуги 15 дусла бухІнаб илини бахъал пергер спортсменти хІядурбариб. Илдала лугИилизиб Дунъяла, Европала, Россияла чемпиони бетауртиралеб. Илдигъунти машгурти мушлукъябазибад саби Милана Дадашева, Милей ГІязизова, Хадижат МуртазагІялиева ва цархІилти.

Светлана Грачевас дахъал гъай хІейгахъу. Ил баркъудила адам сари. АкІубси сариМмяхІячкъалализир. Хъайчир сари, кІел дурхІяабилкъули сари. Илала кІелраурши школализи башули саби.

РиштІали рирухІелира Светлана дебали сарерхурси рирусари. Унруби хІязаназира декІар-декІарти далдуцуназира илини сабри битІикІуги. Із дус риубхІели, Светлана спортла школализибси дзюдола секциялизи рашес рехІрихъибсири. Секциялизи рашули хъалли, илала я чемпион ретаэс ибси къас, я лерилра ГІямру спортличил дархдасахъес ибси пикри лебси ахІенри. Дзюдола шайчирси илала тренер декретла отпускличи аррякъунхІели, балликъяна рурсбачил ил ШВСМ-лизибси секциялизи шуррухъунсири. Илав илдала тренерли узурли Къасум Насрудинов.

1997 ибил дусла мартличир Дагъиста цалабахъибси командала лугИилизир ил Россиялизиб гъалабдеш багъанданти абзаначи рьякъунсири. ИлхІели сарри ил Россияла чемпион ретаурси.

- Чемпион ветаэс буресцадгъамадси ахІен. Чекайзурли тренировкабачи вашес ГІягІниси саби. ВеГІла ГІямрула бетуц булан спортличил уржили бархбасахъес хІяжатбиркур. ИлхІелира гъарил спортсменнис чемпион ветаэс имканбикІуси ахІен,- бурули сари илини.

Цугли ца дусла Пергъи ил сагали Россияла чемпионна уличи лайикърикиб. ХІябал дусла Пергъи биалли Светлана Геннадьевна Дунъяла кубок багъанданти абзаначир жармала медальличи лайикърикиб. ГІяхІси

челябкъла лебси ва сархибдешуни диахъес имкантачилси мушлукъя сари ил. 2005-ибил дуслизир Ил Россияла хІяйнайсра чемпион ретаур. ИлхІейчирад ил тренерли рузес шуррухъун. Ил санигІятра илини устадешличил бузахъули сари ва пергер спортсменти хІядурбирули сари.

Нушани илизи гІяхІцад суалти дедира. Илала тренердешла санигІтличила имцІали багъес дигули.

- Хъунул адамти мушул башнила мурул адамти мушулбашнилизиад сегъуна декІардеш лебсив?

- Хъунул адамти мушулбашнила хасдешуназибад ца саби илдани хІялани имцІали чедиахъес имканти лерни. Хъунул адамтазирад къалтийчир чидил чедирикурал белгибарес дебали къиянни бирар. Мушулбашни хъунул адамтачи хасли ахІенси спортла жура саби или бурулихъаллира бахъалгъунтани. Илдала абзаначи хІербикІугани бурни хІясибли, илди мушлукъябиван тамай декІарбулхъули саби. Илдаци хІербикІес бахъал адамти башули бирар. Илди мушулбашухІели хІербикІуги илдала уюнтаци тамашабирули бирар. Жура-журала уюнтира илдани имцІали дирули бирар. Мушлукъя хъунул адамти ургабси гъунибаъни 18-19 лугИиличил таманбирулира бирар. Мурул адамти мушулбьякъунси замана илдицад очкоби сархибти анцІбукъуни хІедирар. Ил хъунул адамтас уюнти дирес халаси азаддеш лебниличил бархбасунси саби.

- Мушулбашни хъунул адамтала арадешлис заралласи хІебиэс? ХІела гъамтани секъяйда къабулбарива хІу мушлукъя ретаъни?

- Сегъуна-дигара биаб саби, гъарил баркъуди адамла арадешлис заралласили биэсра бирар. Масала, дила дудеш дебали къиршили сайри ну мушулрашахъес. Хъунул адам хъа хозаяка ретаруси сари. Спорт, хаслира мушулрашни, иличи хасси ахІен, викІулри ил. Неш биалли дила шайчи каризур ва мушулрашахъес къабулрикиб. Тухтур сарлин, илини ункъли балулри спортла лерилра жураби адамла арадешлис пайдалати диъни. Гъайгъай, мушлукъяби имцІали беХІемцунази бирку-

ли бирар, гимнасткабиван ахИи. Амма гимнасткабира спортла снарядуначибад кабиркули ва бехИемцунази биркули бирар. Миьличиб кабулхьути деклар кабиркути анцIбукьуни хIедирару?

Дудешлира нушала цархИилти тухумтанира аргьиб ну мушлукья ретаъни вайси хIебиъни. Халаси спортлизи дурарухьес риубхIели кьалли илди дебали разибиуб. Нуни жагьилтачирад кагьурти кайсули рирус. Гьунибаънибала замана хьарбикIули бирар. кьиянни ахIену мушулрашес или.

- Спортла ил журали хьунул адамла куц-бекI дулзули хIедиэс?

Секциялизи башути рурсби дебали саберхурти саби. Илдала куц-кабизра дебали жагати сари. Фитнесличи башулихьаллира илдигьунти жагати куц-бекIла бегIти бетаэс хIебирар. «Мушулбашни» ибси девлира адамлизир кабизалачебдеш, чIумадеш дебадирахьули сари. Илис бургар спортлизиб бузули калунти хьунул адамти бизнеслизиб бузухIелира ункъли бажардибиркути.

- Хьунул адамтала командала тренер сегьуна виэс гIягIнисив?

- Тренерла бузерилизиб бекIлибиубси, спортла чидил жура сабил хIерхIеили, чIумаси зегъа, бархьдеш, хIялалдеш, тIалабкардеш сари. Тренер сунечи сайра тIалабкарси виэс гIягIниси сай. Тренерлис сегьунтилла жаланазир бутIакьяндеш дирес асухIебирар. Спортлизир устадешра пагьмуртира кьалтийчир сари чедиахьути. Удиикнилис сабабти, гьайгьай, белгидирес чебиркур. Имканти дурусли умцули, вегIли вегIличи гьаладирхьути тIалабуни имцIадиклахьули, сай гьалавахIи вашес вируси. ГIяхIси тренерла мурталра хIурматбирар.

- ХIушала ургар жалани акIубти анцIбукьуни дирару? Илди секьяйда ирзули дирудая?

- ЛехИихьули рирус, челукьуси се сабил аргьес кьасбирис. ЦацахIели бирар чедибдеш сархахьес сунес чи-саял диргалаухьун или пикрибикIутира. БегIти кьаршили саби или яра цархИил сабаб баргили, тренировкабачи хIебашути спортсментира кьаршибиркули бирар. ХIуни биалли илизи хIела цIакьянира устадешра кадирхьулри.

- ХIечил спортлизиб бузутачил хIед гьамти адамтачилван рируду?

- Гьаланачи илди наб дила рурсбиван кабилзи. Илдала набзирад дигIяндешуни хIедири. ДурхИни халабиуцад,

хIечиб бахьхИи биубцад хIушала ургарти бархбасунира имцIадирар. Спортлизибад арбьякьи гIергьира илдачил гьалмагьдеш даимдирули рирус. Набчиб бузули калунтала ургаб чула хьалибаргуни ва биштIати лебтира леб.

- РиштIахIели чи ретаэс кьас сабрив хIела? Чемпион ретаэс биалри или пикририкIули калунрив?

- Наб халаси хьалибарг биахьес дигусири. Дила 5-6 урши-рурси бирар или хьулрикIусири. Амма гьаннара дила кIел урши саби лебти: ца 15 дус виубли сай, итил – 8. Илдачибад акIубти бахьал бирар или хьулрикIулла.

- ХIела дурхИнира спортсменти сабив?

- Мурул – спортсмен ахIен. ДурхИни спортсменти саби. Нуни илдачи сегьуналра гьаж бирули ахIенра. Илди спортлизиб гьатIира жигарчебли бузескабиаллира, ну илдас диргалахIерухьас. Амма илдани спортличил бархIебасунси санигIятра бяркьурли дигулла.

- Дусла чидил замана имцIали дигахьиди?

- ДуцIрум дебали дигахьис. Урхьуличи рашули рирус. КуртIрикIесра ункъли балас. Гьумличир рирес дигахьис. Цедешли, овощуна рукес дила иштяхIи бирар. Илди нушачир дуцIрум дахьал дирра дирар. Дагьистанланта хурегуни диресра балас. Илди далкьарахьесра гIяхIиси уста сарра или гьанбиркур.

- ЦархИил селизир-биалра рузулрив?

- Акьуси замана бикалли, нуни далкьаахьурти рецептуни хIясибли кофе дирес дигахьис. Дила балликьянаби жибирули рирус илди халдарахьес.

- ХIу гIяхIцад дурала улкназира рякьунри. Чина-биалра хIеррирес гечриэс биалри или гьанхIебиркуру?

- Юх. Чиналра рукьес биалри хIерикIус. Наб МяхIячкьала дебали дигахьис. Наб ишаб чинабалрайчиб гIяхIилла саби. Дила уркIилис бегIла гьамти адамтира ишаб саби хIербирути.

- Нушала шагьарлизир имцIали гIяхIидилзути меранира дургар хIела?

- Родопский бульвар дигахьис. Илизир кьунзрикIули рирус. Урхьуличи хIеррикIес дигахьис. Илаб ну рашес дигуси «ХIеб» бикIуси дуцIрумла кафе бири. Иларгьунти ниъла коктейль нуни чинаралра хIедержира!

- Баркалла гIяхIиси ихтилат барнилис. ХIед гIяхIиси арадешра спортлизир сархибдешунира дулгулла.

ВИОЛЕТТА РАТЕНКОВА





ХІУШАНИ ХІУШАБ КУМЕКБАРАЯ

«Хъулиб зулмубарни» ибси аргъалализиб иргъуси саби дяхъили яра изиаахъурли, психологияла шайчиб ва экономикала шайчиб хъалибаргла ца членни итилличи зулмабарнила гъарил анцбукъ.

ДГУ-ла цахІнабси ва социальная психологияла кафедрала доцент Карина Пямаровани «ХІушаб хІушани кумекбиреная» бикІуси рубрикалиур нушала журналлизи хъалибарглизиб зулмубарибти адамтас кумек глеббиахънила тяхІуртачила бурути чумал белкІ кадыхъиб. Ил рубрикалиубси илала яргаличилси белкІ бучІантас гъалабирхъула.

Зулмурти дарибти анцбукъуначи чинав-дигара вяхагес вирар: илди бегІталара дурхІналара ургар, тухумлара гъамталара духІнар, муйлалара хъунрала ургар, унрубала, барх бучІули калунтала, руководительтала ва барх бузутала ургар кадиркули сари...

Ца пациентлис бетаурсиличила, илизибад разидеш касили гІергъи, хІушаб мисаллис ишгъуна анцбукъличила хабар бурула.

Ил Дагъиста дубуртазибси ца шилизиб риштІаси рурсиличил бетаурси анцбукъличила саби. Ил халариули гъар секІал мурул

адамли сунела арилизи дучибси ва гъар секІал илис дигуси тяхІярли детурхуси хъалибарглизир. Илдала хъалибарглизив рурсила дудешла итхІели 17-18 дус вируси узира хІериули. Ил жагъил адам някълизиб халаси дисличил гъар дуги ил риштІаси рурси лерси хъули ухІнаиркулри, сунела биштІати узи-рузиличил рарх русуси иличи зулму бирули. Илкъйда ил рурсиличив чумал дус зулмуртаиркъули калун. ГІур илдала хъалибарг районна центрлизи хІербирес гечбиуб. Илала арилизирси рурси камти Пямруличир лералли шери рякъун

ва муруйчил рарх цархІил шагъарлизи гечриуб. Сунени халбирни хІясибли, ил хъунул адам лерилра гІямру сунела дудешлизирад ва дудешла узизирад цІализирадван урухІули хІеррирусири, илди мякълаб агарли биаллира...

«Сен зулмубирихІели, ил вьв-хІерикІусири? Сен илини хала нешлизи ил увяхІси адамличила бархъдеш хІебурусири?»- гъаннара тамашабирули саби адамти ил рурсилис бетаурсиличи. ЛехІкахъили руусири, рурси илизирад урухІлухІели. Сунела гІямру багъандан урухІлухІели! Зулмукарти

адамти дебали кьаркьти бирути саби. Илдани чеббичесра бала. Зулмуртаиркьуси дудешла узизирадил дебали урухкьулри, сенкьунмурталра илала някьлизиб халасидис бирусири, илини лугьари или урехира чебиахьусири. Рурси илизирадван сунела дудешлизирадра урухкьулри. Урухкьулри сунела хьалибарг цахбаресра. Ил ралтахьуси адам агарси ршталаси рурси сарри. Ил гьар секлал багьандан сунени сари гьайиблизирурсесра бурсириублири.

Дагьистайзиб мурул-хьунул адамтала ургарти бархбасуначила, хаслира илди зулмуличил дирухели, гьайбиклес дигули хлебарар. Адамтала бухнабра илдигьунти секла хлекьлизиб гьайбиклес кьабулбарибси ахен.

Амма зулмукар няс чехлеили валтес асухлебарар! Илала уряхити баркьудлумира пуждирес гьагьнибиркур. Зулмула гьарил жура пужбирес чебиркур. Ил чила шайзибад дурабуркьусил херхеили: узи виаб, дудеш виаб, нешла мурул виаб, вигнаба виаб. Урехи чебиахьули биаллира, илди вайкьасла адамти пужбирес гьагьнибиркур, сенкьун илдани дирути дуркьа аварали анцьбукь такьсирличи бетикахьес асубирар. Зулмукар ватахьес, уркецли барахьес кьукьмусикили тиладиикьули виаллира, сенкьун ил сунела уряхити баркьудлуми гьурра даимдирес гелумхелзан.

Цаибил ганз кацлес хлушабра кьиянни, гьадабли бирар, хлушазиб гьачамлис урехи лебал, амма зулмукарличи кьаршили дурадухьес диубли гьергьги, гьарил минутлизиб хлушаб кункдеш бирес бехбирхьур. Хьуммартидая: лерилра анцьбукьуназив зулмукар гьайибла вегь сай, ил сай умувизс валилзули виаллира. Зулму барахьес сай сели вяхичи-аибалра бурули вирар.

Вайси бехленцлизи викибси адамла хьял-глабигьат дарсдирули сари. Ил сунези сай мурхьиркули сай, ил сунезивад сай вебклес булан валилзули сай. Урехилизиб калунти адамти илдигьунти агикьайдализи гьурра диркехе или мурталра урухкьули саби, чули

барибси танбихл агарли хлебалта или пикрибикьули саби.

Дахьал анцьбукьуназив зулмукардеш дакьударнилис гьайибла бегьтази зулмула кьурбунтани саби жавабкардеш дихутази халбирули саби. Дахьал дусмазиб чус бетаурсиличила хьумартес бирули ахен илдани. Ил гьанбушибхелера илдас дебали хлейгилзулицун ахенну, кьаршидеш булан алкьули саби. Бирар чус барибси зулму бекьлил хьумартес хлебирути анцьбукьунира. Илкьайда бирар имцаливан зулмукарличил имцали кьаршибиркес чевкьути анцьбукьуназив. Илхели чус зулмубарибтала гьамрудебали жапаси даражаличи диркули дирар.

Бишталхели зулмубарибти адамтас халабаибхелера ит чус бетаурси гьанбикахьес хлейгули бирар, ил хьумартес дигулихьаллира. Ил барес бирули ахен. Илдигьунти агикьайдализиб держли бужнилизи ахьибти яра наркотикун пайдаладирниличи бетулхьути булан кьаршибиркули бирар. Мурул адамтира хьунул адамтира илдигьунти агикьайдализи бикили гьергьги, тамай цунни хербирути анцьбукьуни имцали кьаршидиркули сари.

Зулмукардешла суал гьанна лебилра дуньяличиб дебали челу кьусили бетаурли саби. Илбагьандан илгьуна бетаурти хлушацун хедиъниличила хьуммартидая, хлушаван кумекличи хьяжатти бахьал цархилтира лебли биъниличила гьанбиркахьеная. Хлушаб

дирхьули гьергьги, хлуша дигахьула или пикрибикьес хлебирути адамтала лугьги имцалибикьули саби. Чус зулмубирниличи кьаршидеш дирути хьунул адамтала лугьги гьачамличиб гьачам имцалибикьули саби. Зулмубарибти адамтас гьахл биубти анцьбукьуни хледирар. Илдала гьамру дялчули сари. Кьисмат жапаси бетарахьули саби. Ишбархиличиб жьагьал гьамадли бирар, кьиян-жапа чердиркур или пикрикини балбикьибси ахен. Паргьаткадирес асухлебарар. Кумекбарахьес сецад жьавли дугьадизадаллира, ил хлушаб кьулайси саби.

Хьалибаргла члентачи зулмубирути анцьбукьуни гьергьгиси замана камдикьули сари. 2016 ибил дуслизир илдигьунти 65,5 азир анцьбукь диалри диубти, 2017 ибил дуслизир диубти 36 азир анцьбукьцун сарри. Ил дуслизиб зулмубарибти анцьбукьуназирад имцлатигьунти административный далагардешунази халдирес бехлибхьиб. Илала асар сабри багьарбухьунси. Хьалибаргла-беклахьудила гьамрулизир зулму барниличил дархдасунти такьсирти 2015-2018 ибти дусмазир цахларли Россиялизирра камдиклескадиб.

Россияла МВД-ла баянти хьясибли, хьалибарглизиб зулму барни багьандан гьар дус бубкьути хьунул адамтала лугьги 3-3,5 азирличи абиркули саби. Статистикала баянти илдигьунти сари.

КАРИНА ГЬАМАРОВА



РЯХІМУ - УРКІЄЦІИЛА РЕГІ РУЗИ...



Минаят Исмягілова камти гъайла регІ хъунул адам сари. Селис-биалра кымат бедлугхІелира илини сунела пикри риубцад къантІли бурули рирар, сунечила гъайрикІес кьалли илис бекІлил хІейгахъу. Илала гъамтани, тянишунани, балликъянабани дурутазибадил сегъуна адам сарил багъес вирули сай. Лерилра илди секІал дархдяхъибхІели багъес вирули сай ил сегъунти къасанала ва сегъунти пикрумала адам сарил. ЗягІпси адамлис сегъуна къуллукъ гІеббуцес гІягІнисил тухтурли ункъли бала. ЗягІпси дурхІя виалли, илхІели тухтурли дурхІяла неш паргъатраресра бала, уршила арадешличи къакъабакІибти бегІти паргъатхІебарили лебалли, тухтурлис дурхІялизир риркъес гъамадли хІебирар.

Сари тухтурра чераэс сунезирти хІялани дихІес балуси, цазаманализир малхІямси ва сунечи дугъабизуртазиб бирхауди алкІахъуси сари. Ил зягІпси дурхІяличи хІеррикІули

сари, ва илала бегІтазиб ил сагъварес сунела цІакъани лерниличи илди бирхаахъес рирули сари. ДекІли зягІпси къабулвирухІелира илгъунали рирар ил, виштІал къяшмачи тІашватес сунела цІакъани лерни бегІтази гъайхІеили иргъахъули рирар.

Нуни Минаятлизи хъарбиулра сели сари медицинализи кибал, тухтурла санигіят чеббикІахъес илис чи икъалавиубал бурахъес. Ил пишрирхъули сари дила суайс.

- Дила неш лерилра гІямру медсестрали-акушеркали рузули калун. Илини хІябал шила халкълис къуллукъбирусири. ЗягІптачи ил хъурали сарри рашуси, илди шимикІун цализирад ца гІяхІцадла гъарахъли мерладиубти сарри. Нура нешличил рарх илди шимази рашусири. Гъундурира гапла ахІенри, илбагъандан нушала дабрумира жявли заядирули дири. ИмцІаливан нуша къяшла дукъбачирад дирира дашути. ИлдикІун уркурла гъуйчир гІяхІцадла къантІти сарри. Лугра-

зирадра катхІелтазирадра дашес нуша урухІули хІедирира. Гъайгъай, вайси аргълизир дукъбачирад хІедашира, хІусдугъахІелри, къадализир дагъардиэс дирирану. Дубуртазирти гъундури вайси аргълизир вшес урехилати дирар.

Нуни чебиира, секъяйдали илди шимазиб дила нешличи адамти хІерли сабрил. Илди ил ракІайчи хІерли кабили шила дублаб бургутири. ИтхІели гъарил шилизиб ФАП-ра хІебири. Нешли итмадан сари зягІпсилличи рукахъес тиладибири, гъалакхІерикІи ва бирхаудиличил вяшрикІи. Илини укол бирухІели изарули саби бикІути хІебири, адамти илис «хІела някъби арадаркъ, жявли кункдеш биуб кьалли» бикІутири. Нуни чебиира, секъяйдали шимала адамти иличи бирхулрил ва илала сегъуна хІурмат бирулрил. Илбагъандан рурггира нура камти гІямруличир лералли тухтур ретаэс хъулрикІуси. Нешгъуна медсестрали ретаэс сарри итхІели ну хъулрухъунсира.

Тяп илкъяйда бетра бетаур. Минаят Исмягіловани Каспийск шагъарлизиб медучилище таманбариб. Сари акІубси Хивла районнизисби Кандикла шилизи чаррухъун ва илаб шел дус медсестрала хІянчи бариб. ЧеббикІисби санигіятра илис гІяхІбизурлири. Илини разидеш бихулри. Каспийсклизи чаррухъес ибси пикри илала бекІлизи къанниван сабри бакІибси. Неш-дудеш Каспийсклизиб сабри хІербирути. Амма илдала арадешра гапла ахІенри. Шагъарлизиб Минаятлара бахъал балликъянаби лебри. Илдира илизи шагъарлизи гечриахъес тиладибикІулри. Шагъарлизибси дурхІнала поликлиникализиб илис хІянчила мерра лебли буилри.

-Илар хІянчи дахъал дирниличила балукъира, ну гечриэс къабулрикира. Участковая медсестрала къуллукъ-

личи сарри ну рудибси. Наб къянни ахенри, сенкун шилизирра ну дурхначилра рузули калунсири. Илдас къуллукъбирули рираси. Дурхначил рузес наб къяннира ахенри, дурхнас къуллукъбирес дила халаси иштяхира лебри. Ну дебали чекаризурсира. Гьар секлал гягниси тяхярли дирес дигахъис. Къалабахериклус. Тухтурли набчи хьардарибти гьар секлал дурусли тамандарес гъазализир рираси, бурули сари Минаятли. - Нешли ну лехихъахъес ва буриси иргъахъес бурсириарибсири. Дахъал секлайчи бурсириубра ну нешлизирад

Нуни Минаятлизи хьарбиулра балагъла пандемияла замана сари секъяйда рузули калунал бурахъес. Илини гъалакхериклули, ил балагъла изала тинтбиубти бурхни гъандиркахъули сари.

- Кахли хебиши хед?- ургарулхъулра хабар буриси илала гъайлизи.

- Нуни балулри, нушачир гядатли хедиубти аги-къяйда кадизурли диъниличила, мурт-дигара нура зягипбикибтала лугилизир урухъес асубирнира, бурули сари илини. - Нуни набзи бурули руира, хлуни барес гягниси къалли цархилли хебиру. Илбагъандан хечи хьарси бирен. Нуни ну паргъатра рирусири, гьар секлал ункъли ахирличи диркур или.

Минаятли бурули сари сегъунти шуртгразир рузусил. Вабаъла замана челгъуси халатра чегурли, маскара баршили, тухтурличил рарх жирарибси мерличичи рукъес дурулухъусири. Илди «къалабаси кумекла» машиналичиб сабри зягипбикибти лебти юртанази баайчи башути.

- Ташагарли жибиклулри. Телефон ташбилзули ахенри. График хясибли сарри нуша хянчиличи дашути, амма хъули ардукъес бетхеурти замунтира дири. Бузерила бархи таманбиубли саби, амма хъули ардукъес дирули ахенра, сенкун зягипбикибти адамти нушачи херли сабри. Дила балликъянабанира чула замана илкъяйда харжбирулри.

- Нушала коллктивлизив хяжат-бикибхели ца итилла мерличив хянчиличи дураухъес вирус сай, ил тяхяр бузахъни дебали гяхиси саби: поликлиникала бузерира къардхлебухъахъес вирули сай, цали итиллис кумекбаресра дирулра. Пандемияла

бурхназирра нуша ца итиллис къадин хянчиличи дурадулхъули калунра, дамсурли диъниличичи зигархедиклули, изайзи дикишагу ибси урехиличирад чедидиркули. Итди жапати бузразир нушазивад гьарилли дахъал секлал пикрида-риб, цархил замана гъанарти пикруми булан дашулри беклизи. Марлирагу, итди бурхназиб адамти булан цаличи ца уркецичебти, ца итиллис икъалабиэс гъалакбиклути, аварагардеш сегъунти дирутил хедалутили бетаур. Урухбиубли някъби даткаибти чехебаира, я больницализиб, я шагъарла къаъализиб.

Минаят лебилра дунъя кlapбучес хядурли сари. Дунъяла дубличичи рукъес хядурли сари, сунела шайзи-бадси кумекличи херси левли виалли, илдачи раэс багъандан.

- Нуша гъанна сунечи къаршили дургъес бурсидиубси коронавирус адамла гямрулис урехила биъницун ахенну, ил изала бухъанси замана калес бирниличилара балулра. Каспийсклизиб маскаби агарли башути бахъал адамти леб. Мяхкамдеш бирес мурталра гягниси саби. Санитарияла талабуну дузахъниличичи аварагарли хердиклес асухебирар. Эпидемия ахирличи бикили саби диклес гъачамлис жявли саби. Нушазивад гьарилли сунечи суненира къайгъи даклубирес гягниси саби, бурули сари Минаятли.

Нуни илизи акъуси замана селис харжбирулил бурахъес тиладибарира. Ил наб пишрирхъули сари.

- Бахъал дурхни агарси яра къалтинти душанти агарси табасаран-лантала хъалибарг баргес хейрар.

Дила хъалибаргра илгъуна саби. Нуша гъаман цаладиркули дирехе хъалибаргла байрумтачира, цархилти шадлихъуначира. Барх беркунси къац бизиси бирар биклути дугла ахен. Гямрула черкад гъайкадухъес дирехе дарх кадибхели, далай белчлес, делхъ дарес биркур. Наб дебали дигахъис къалтин бушуси станокла гела карирес. Гямруличичи урки кабилзуси къалтин бушухели бирар. Хела някъба къалтийчир някъишуну алкахъули сари.

Минаят Исмягировас талихчерси хъунул адам сари виклес вирару? Нуни ил суал бедибхели, ил сарира тамашариуб:

- Наб цархилти гямру диубли хейгахъира. «Ряхиму-уркецила рег рузи» ибти дугъби далайван зайдиклули саригу, бурули сари илини. - Балулрив хлуни, дила биштлати пациентуначи ну секъяйда рашули рирусал? Рухи далайдиклули дирар!

Ил гъатира паргъатли пишрирхъули сари:

- Вецну гехира дус ца бархинван шалгердухъун, бурули сари илини. - Балулрив хлуни, марлирагу, ну талихчерси адам сарра...

Гурра илини набзи урузли чеби-ахъули сари республикала Бек В. Васильевли бархъибси баркаллала кагъар. Илизиб илини Минаят Исмягировас коронавирусличи къаршили бузахъуси дявиллизир жигарла бутлакъяндеш дарни ва санигятла шайчирти халати устадеш багъандан баркалла балахъули сай.

Гяйшат ТАЖУДИНОВА





ТУХТУРЛИ АКІЕС ГІЯГІНСИ САЙ

«Мякѝ сегъунатил хІеръили, цІедешра илдигъунти дирар» - бурули саби халкъла пасихІси буралализиб. ГІуррара бикІар: «БегІти сегъунти биаллира, дурхІнира илдигъунти бирар». Илди багъираби хабарагарли дила бекІлизи дакІиб бегІ гъалаб пагъмучевси гІялим, медицинала гІилмуртала доктор, профессор Нариман ХІяжиевличила аргъибхІели.

Нариман – Къарабудагъ-кентлизибадси асилси жинсла пергер вакилтазивад ца сай. Илини сунела хала бегІтала пергер гІядатунни ва тяхІяр-къяйда даимдарили сай, илдала амунагунни хІясибли хІерирули сай.

Нариманна хала дудеш ГІядилхІяжи ХІяжиев хабарла дявила тухтур сайри, ЧебяхІси Watla дергъла жигарла бутІакъянчи сайри. Илини дургъбала замана даршани ва азирти бяхъибти советский бургъанти берцахъибтири. БегІлара къиянти аги-къяйдализив, операцияби дируси мерличивадил, някълизи ярагъ касили, душмангачи къаршили ургъес дураулхъусири. Нушала асилси дагъистанланничила хІера секъяйда белкІунал дергъла замана дурабулхъули калунси газетализи: «Крым багъанданти дургъбала цаибти бурхІназивал медицинала службала

офицер комсомолец ХІяжиев гъабзадешличил декІарухъунсири. Илини къуллукъбируси урхъула пехотала подразделениеличи душманти чули буцибси мерличивад дугІаахъес хъарбарибсири. Гъужумличи ахъиубти морякуни гъалабахІ дуцІбухъун, амма балуй шайчирад илдачи душманта хабарагарли пулеметлизирад цІа чекъур. ТІягІямагарти аги-къяйдализи бикибти морякуни ванзаличи пІяцІбикиб, детахълуми диубли хІейгули. ИлхІели, гІямрулис урехи лебниличи хІерхІеили, ХІяжиев хъусли душама пулеметличивяхІ ватихъиб. Илис пулеметлебси мерличи гъамиэс бикиб ва цІа чекъурли, душманти кабушиб. Морякуни биалли сагали гъужумличи ахъиуб ва душманти дебабиубси мерличивад дугІеиб». Ил дявллизир дакІударибти гъабзадеш багъандан ГІядилхІяжи ХІяжиев ХІунтІена

Байрахъла орденничил шабагъатла варибсири.

Нариман хала дудешли дурути дявила хабуртачи халаси иштяхІличил лехІихъусири. ИлхІели бурги гІулухъала уркІилизи сайра дявила тухтур ветарус ибси къас минаиубси.

МяхІячкъалализибси 22 ибил школаилини мургъила медальличил таманбариб ва Санкт-Петербурглизисибси дявила медицинала академиялизи керхур. Ил чедибдешличил таманбариб ва узес вехІихъиб.

БусягІятла замана Нариман Дагъистайзивад азирти километртала гъарахъли – сай академиялизи учІули калунси шагъарлизи гІяскуртала госпитальлизив дявила тухтурли узули сай. Илар хІеррирули сари Нариманна неш Маржанат ХІяжиевара. Илра тухтур сари, дахълал дусмазир «Талги» санаторийлизир невроло-

гияла отделениелис бекИдешдирули калунсири.

- Камти Гямруличив левалли ил дебали дахьал секЛал дагьес дигуси дурхЯ сайри, даим суаликИ, сайра мурталра селизи-биалра вархили вири. Илини лугути лерилра суалтас жавабти дургес набракъиянбулхъули бири. Гъаннара гъанбиркур, ил шуи-бил класслизив учИхИели, мерла хИу-куматла органнизи депутатли ветаэс вализурси адамли бирхаудибхьибси адамли ветаурсири. Илкъяйда серхурси агитатор нуни чеибси ахИенри, бурули сари Маржанатли.

Маржанатли буриси хапли таманбирули сари. Илала хИулбазирад нургъби дурадиркули сари.

- Сен вайсил, гъанна нушала ургав илала дудеш мицирли агни. Илала дудеш Казихан дебали тамашала адам сайри. Ил Къарабудагъкентла районна судьяли узусири, хИялалси адам сайри. УрхъулизиркьягИуси гьести Гямрула хьунул адам уцахъухИели, сай кягИибсири, амма ил хьунул адам рерцахъес бажардикибсири. Секъяйдали пахрубирил илини гъанна сунела уршиличи!- мурхъси гьигъабалтули сари Маржанатли.

Нариманна Гямруличила имцЛали баянти далуцад, ну тамашарирулри ил адамлизирти къасаначи, илала жигарличи, балбуцибси Гямрулизиб бетерхахъес бажардииркниличи. Медицинала академия хИунтЛена дипломличил таманбарилли гИергъи, хирургли узахъес ил Северный Кавказла дявила округлизивархьибсири. Сунела гъала гИашбатурси мурад сархили сай или гъанбикеслири. Ил гьатИира гъалавахИ гьирачевли сай. Нариман тухтурцун ахИенну, пергер гИялира сай.

Ил Дявила медицинала академиялизибси урологияла шайчибси ординатурализи керхур. ХИябал дусли гИергъи диссертация балкъаахъур ва медицинала гИилмуртала кандидат ветаур. Иличивлира гИашхИейсур – медицинала гИилмуртала докторра ветаур!

ИшбархИи Нариман ХИяжиев профессор, урологияла отделениела руководитель сай. Петербургла медицинала академиялизив преподавательлира узули сай. ЧебяхИси категорияла хирург-урологра сай. ЖумягИла духИнар илини кИийна дебали къиянти операцияби дирули

сай Россияла МЧС-ла радиационная медицинала центрлизирра.

УчИути ва узути дусмала ухИнав Нариман ХИяжиев дунъяла гИяхИ-цад улкнази ваиб ва илаб урология сегъуна даражаличиб сабил багъес бажардикиб. Ил сунела устадеш имцЛадирахъули калун США-ла, Германияла, Бельгияла, Чехияла, Австрияла, Китайла ва цархИилти клиникабазив ва гИилмула центртазив. 2017 ибил дуслизиб дунъяла улкназибад бегИлара бурибти урологуни Лондоннизиб цалабикиб. Илаб специалистунала хИерудилиуб Нариман ХИяжиевли сунени пикрибарибси тяхИярли урологияла шайчибси операция бариб. Илала хИянчи беклибиубси призличи лайикъбикиб. Илини цалабахъибси урцецуназир къаркъуби кадирниличи къаршили бузахъуси дявила шайчибси технология Германияла клиникабазив гИинтИли пайдалабирули саби. Илис «ХИяжиевля метод» бикИули саби. Н. ХИяжиев Европала ва Америкала эндоурологунала ассоциациябала членра сай. Илкъяйдали Россияла урологунала общества членра сай.

Гъарил сунени бирусилзив пагъмуличил декларулхъуси специалист сай Нариман ХИяжиев. Ил пагъмучевси тухтурцун ахИенну, дурхИнала пергер дудешра хъалибаргла бекИра сай. Илала хьунул украиналан сари. Илра тухтур сари. Нариманван илра Санкт-Петербурглизирти клиникабала цализир тухтурли рузули сари. Сунела гъамти къабулли хИебиъниличи хИерхИили, илини бусурман динра къабулбариб. Илдала талихИебси хъалибарглизир уршира рурсира халабиули саби.

-Интернетлизир ва прессализир хИечила пергер баянти къаршидиркули сари. Тухтур сайлин узухИели, хИу къиянтачи вяхИягибти анцИбу-къуни диубу?

- Тухтурла гъуни – мурталра васвасъалаличил, пикрумачил, хИяланачил ихъуси саби. Гъайгъай, барибси хИянчи ункъли бетерхурхИели тухтурра сунечи сай разили виар. Амма тухтур гъархИебизуначира вяхИигули виар, илкИун адам сай. Гъар секЛал илизирацун дигахъули хИедирар. Нура вяхИягира гъархИебизуначи, илди нуни чедетаахъили пикрикадарира, амма илдачила гъайикИни лайикъли хИедирар.

- Секъяйдали иргъулри хИуни изайс гъалаухъес ибти дугъбала мягИна?

- Дила пикрили, илди дугъбала мягИна итира гИячихъли саби. Изала багъес гИягИнили саби, илала асурти сегъунти диэс дирарал гъалахили дагъесли. Ил изала гъамхИебиахъес гъаланачибал се барес вирарал белгибарес вирниличила сари гъай.

-ИшбархИи медицинала вузани тамандирути жагъилтани кайсути устадешличила се бурес вируда?

- ХИейгеси биаллира, ил секЛал Россияла лерилра ВУЗ-анала бузериличи чебетиули саби. Амма нуни ца секЛал умутчебли бурес вирус: чебяхИси даражала багъуди таманбарилра или сегъуналра анцИбукилизив паргъаткайэс асухИебарар, сенКИун гИяхИси специалист мурталра гъала-вахИ вашес гИягИниси сай.

- Дагъиста тухтуртачил хИуни бархбасуни дузахъулрив?

- Гъайгъай, дузахъулра! Дагъистайзибад бахъал тухтурти устадеш ахъдусес нушачи башули саби. Северный Кавказлизир нушани замана-заманаличи конференцияби дурадуркИули дирехИе. Чумал дус гъалаб илгъуна конференция Хасавюрт шагъарлизиб бетерхур. 2019 ибил дуслизиб эндоурологунала конгресс бетерхур Грозный шагъарлизибра.

- Дагъистайзир дармандирути шинна 300-цад гИиниз лерли сари. Уйташлизибси (Аэропортла мякълаб саби ил мер) гИинизла шинни урцецуназирти къаркъуби дицИахъули сари. Бахъал адамтани пайдаладирули сари иларти дармандирути шин...

- Гъарли-марли, Дагъистан дармандирути гИинзурбачил машгъурси саби. Совет хИукуматла замана илди гИинзурби сабухъчерли пайдаладирутири. ХИуни гъанбушибси Уйташлизибси гИинизличилра ну ункъли тянишси сайра. Гъарли-марли, ил гИинизла шин бахъал адамтас дармандирули сари. Ил гИинизла шин чедетаахъили хИялумцЛес ва сабухъчерли пайдаладирес гИягИнибиркур.

- Нушала журнал бучИантас се бурес дигахъадив?

- ХИушала арадеш мяхИкамбарая – Къудратла ВегИли гъачамцун лугуси давла сабину ил!

ПАХУ ХИЯЙБУЛЛАЕВА

МУГІЯЛЛИМ



Гъарли-марти, хІурматла, лерилра цІакъани
бузерилис дедлугути, чеббикІибси санигІят
дигути, пагъмучебти учительти нушачиб бахъал
леб. Илдигъунтазирад сарри дила ригуси учитель
Бика ХІяжидадаевна. Ил наб учительцун
ахІенрину, гІяхІси насихІятчира сарри. Ну адам
ретарахънилизир илини жигарла бутІакъандеш
дариб. Нура илала насихІятуначи лехІихъаси.
Илини ну дахъал секІайчи бурсирарира.
ВатІайчи дигира набзир илини сарри адикъурти.
Бузери дигуси ретаахъурра. ГІямру дагъахъес
икъалариуб.

Бика ХІяжидадаевнани нушаб
историяла, обществоведениела
ва правоведениела дурсри дири
кадирхъути. СанигІятла шайчирти
мурхъти багъудлума лерси, дур-
хІна аргъести мезли гъайрикІуси
учитель сарри ил. Илала дурсрачир
нуша мурталра жигарчерти дири-
ра. Илдигъунтили дихъес сарира
гъазализир рири. Нуша разили ди-
рира илини кадирхъути дурсрачи,
сенкІун нушазир алкІути суалтас
илини саркъибти жавабтира лугули
рири. Гъарил тема бяркъурхІели,
дагъурти баянти нушазир калахъес
къасличил хІянчи дурабуркІули
рири. ХІера, гъал дус Арадала СОШ-
ла бучІантани чула бегІлара гІяхІси
учительницази Бика ХІяжидадаевна
халриули саби. Иличиб бучІути им-
цІагІигъунти дурхІни хъарахълизиб
хІербирути мицІираг адилкъантала
дурхІни саби.

Историяличил барх Бика ХІяжи-
дадаевнани литературара ункъли
бала. Урусла классикунала гІяхІ-
цад произведениебазирад бутІни
илини уркІиличир дучІули рири.
Историяла дарсличирра илини те-
маличил дархдасунти литературала
произведениебира гъандурши. Ну
филолог ретаахънилизир, ашкарлигу,
илинира бутІакъандеш дариб. Нуша,
иличир дучІули калунти, гъаннара
илала дурсрачи дашула, сунечил
дарх ца школализир дузухІелира.
Илала дурсрани гъаннара нушачи
асарбирули саби: илдачир нушала ба-
гъудлума мурхъ-дягІудирули сари...

Нуша разилира илала пергер
бузери пачалихълира ахъли къимат-
лабирули чебиухІели, ил нушала
республикализир бахъли ралуси пе-
дагогли ретаурли сари. Школализир
учительли ва директорли рузути дус-
мала бухІнаб илини школалис анхъ-
чили сунела анхълигъуна къуллукъ
гІеббуциб, сархибдешуни дихъес
базардирикиб. Илди сархибдешу-
начил пайдалариэсра рирули сари.
Ил гІяхІцад наградабачи лайикъ-
рикиб. Баркалла сархиб, хІурматла
грамотабачилара дипломтачилара
бурулира ахІенра.

ГІямруличи кабизурси сунела
бетуц лебси адам сари Бика ХІя-
жидадаевна. Ил Хунзахъла районна
жамигІятла палатала член сари. 2009-
ибил дусличирад «Цаси Россия»
партияла член сари. Илкъайдали

багъудила шайчибси Невская ассамблеяла членра сари.

2019 ибил дуслизир Бика ХІяжидадаевна «Вера.Надежда. Любовь» бикІуси хъалибаргунала наслубала халкъани-ургабси Х-ибил фестивалчири чедирикиб. Ил дуслу июньничир биалли ил «Мургыла шар» бикІуси халкъани-ургабси премияличира лайикърикиб. Илис баркалла багъахъур Пачалихъла Думала багъудила шайчибси Комитетла председатель Е.А. Митинала шайзибадра.

Илисра гъалаб, 2017 ибил дуслу майличиб прозаик Гъ. ГъалбацІов гъаниркахънилис багъишлабарибси республикала къадриала балбуцра дураберкІибсири. Директорли дакІударибти къайгънала ГІяхІдешли Республикала бекІ Р. ГІябдулатІиповла указличил Хунзахъла районна Арадала СОШ-лис Гъ. ГъалбацІовла убедибсири. Илис багъишлабарибси гъунибаъниличир бутІакъяндеш дариб Дагъиста писательтала Союзла председатель МяхІяммад ГІяхІмадовли, писательла гъалмагъунани, ил ункъли валути Дагъиста деклар-декІарти миллатунала писательтани ва поэтунани. Лебри Хунзахъла районна жамигІятла вакилтира.

ХІилхІи калунра, Б. МяхІмудовала бузерила ца гъатІира шалиличила хІебурили убкавлахъули. Ил сарерхурси, бамсри хІебулуси край руркъяна сари. Ил шайчир дурадуркІути далдуцунази илини сунела уркІи кабирхъули рирар. Гъал дус бекІдеш дирули сари илини школализибси край руркънила шайчибси кружоклис. Рархибси адам риъниличи хІерхІеили, ил шайчиб дурабуркІуси хІянчилис дебали халаси замана декларбирули рирар. Илини дурхІни республикала, районна ва чула шила исторіяличил тянишбирули сари, илдазибадти машгурти адамтачила бурули сари ва илдачил гъунибаъниби дурадуркІули сари. Илала сипталичил школала бучІанти республикала мер-мусаличирти тамашала мераначи архІябачи ва экскурсиябачи башули саби. Сецад машгурти адамтачил тянишбиэс къадарбиубал илдас! Гъаннара гъанбиркахъули бирар илдани Дагъиста халкъла поэт Фазу ГІялиевачил биубси гъунибаъни. ВатІа дергъла бутІакъянчи Закаръя ГІусманов-

личилси гъунибаъни. Разили къабулбарибтири школала бучІанти КІарахъала театрлизибра. Театрла директор МяхІмуд ГІябдулхаликъовли къабулбарибтири. ГТРК-лизи экскурсия дураберкІибхІели, илди поэт ГъалбацІовличил гъунибаънтири. Лерилра илди гъунибаъниби нушала бегІлара ригуси учительла сипталичил дурадеркІибтири. ДурхІнас дебали гІяхІдизур Дербент шагъарлизи, Гъуниблизи, ЧиркІейла ГЭС-личи ва цархІилти тамашала

Бика ХІяжидадаевна – ДР-ла багъудила отличник. РФ-ла цахІнабси багъудила хІурматла хІянчизар. 2008-ибил дусла ГІяхІсигъуна учитель» бикІуси президентла грант сархибси, «2007-ибил дусла ГІяхІсигъуна учитель» бикІуси конкурсла финалист, 2017 ибил дусла «Нуша хІердируси юрт» бикІуси программала премияла лауреат.

мераначи дурадеркІибти архІябири. Школа таманбарибтири илдала бегІтира гъаннара Бика ХІяжидадаевна баркаллабикІули саби.

Дила пикрили, Бика ХІяжидадаевна черетхІераибси цалра тема кахІелун. Илини край руркъни сунела ГІямрула бутІали бетаахъур. Сари регІти хІянчурби лукІули сари алавчарти ГІямру сипатдирнилис, адамтала ГІямру чедиахънилис багъишладарибти. ХІера сегъунти белкІани дарилли илини: «Дагла ва ишбархІила Арадала шила исторія», «Батлаич шила ва батлаичлантала исторія», «Дила биштІаси ватІан Батлаичла халкъланякъла устадешла санигІятуни», «Улкала исторіялазиб МяхІяммадовхъала хъалибарглизибадти адамтани бурцуси мер» ва цархІилти. «Хазарияла Колумб» бихъили сари илини археолог, край руркъян, исторіяла профессор Муррад ХІяжиевлис багъишлабарибси хІянчилис. Илдигъунти сари «Афганистан - дила рухІлизибси дяхъи», «Чирюртла ГЭС – Дагъиста пахру» бикІути илала хІянчурбира.

Сари акІубси шила, илизиб хІербирути адамтала ГІямруличила Бика ХІяжидадаевнани дахъал дусмала бухІнаб дебали халаси материал бучили сари. Иличи хъарихъули гъарли-марси ГІилмула хІянчи белкІес вирар. Чумилра хІялумцІан челябкъалализиб илди материалтачил пайдалабиэс бирар. Илдазира д цацадехІти гъаннара лебилра Росси-

яла учительтала сайтаначир даргес вирар. Газетабазир дурадухъунти статьяби делчІес вирар.

Илини бекІдеш дируси школала «Озорные девочки» бикІуси хореографияла ансамбльли Москвализи хІябал архІя дурадеркІиб ва чула пагъмуртачил тахшагъарланти тамаша-хІяйранбариб.

ЖамигІятлис мягІничерти ва пайдалати баркъудлумазир рузулихъали, Бика ХІяжидадаевнани сунела хъалибаргличи пикри бяхІчиизэра

хъумуртули ахІен. Ил дурхІни дигахъуси неш сари, гъар секІайзив мурулгІевуцесра илис икъаларизэра бала. Пагъмучевси адамлис гъар секІайзив пагъмучевси сай бикІаргу. Нушала учительра илгъуна адам сари. Илала хІябал урши-рурси леб. ДурхІнира илини хъалибарглисцун ахІенну, жамигІятлисра лебилра районна халкълисра манпагІяттили бетаахъес бажардирикиб.

Рурси Рукъиятти школа мургыла медальличил таманбариб ва мединститутлизи карерхур. Илра хІунтІена дипломличил таманбариб ва гъанна МяхІячкъалализир кІибибил поликлиникализир тухтурли рузули сари.

Халасигъуна урши МяхІяммадлира школа шулали таманбариб, илкъяйдали ДГУ-ла экономический факультетра хІунтІена дипломличил хъараахъур. Ил гъанна «Марс» бикІуси компаниялизив регионнизивси менеджрли узули сай. Северный Кавказлизир ил компанияла предприятиебани дурайути масани дурхахъули сай. ВиштІалгъуна Жамал ДГУ-ла юридический факультетла авъибил курслизив учІули сай.

Нушала илгъуна пергер учительлис бузерилизир гъатІира халати сархибдешунира, дахъал дусмазир сабухъчерли рузахъес гІяхІси арадешра, хъалибарглис баракатра дулгулра. Илдигъунти адамта сари нушала гІямру жагадирути.

Асият ХІУСЕЙНОВА

Женщина Дагестана



На даргинском языке

Учредитель:

Министерство информатизации, связи и массовых коммуникаций РД.

Главный редактор

Н. М. КЕРИМОВА
e-mail: j-dag@mail.ru

Редакционная коллегия:

заместитель главного редактора

А. Ю. АБДУРАХМАНОВА,
e-mail: delia25@mail.ru

ответственный секретарь

С. Х. БУЛГАЕВА

редактор русского выпуска

Г. Х. АСАДУЛАЕВА

редактор аварского выпуска

Б. Ш. МУХИДИНОВА
bahu4y@mail.ru

редактор даргинского выпуска

П. Г. ВАГИДОВА

редактор кумыкского выпуска

П. Х. ХАЙБУЛЛАЕВА

редактор лезгинского выпуска

Н. Н. ИБРАГИМОВА
e-mail: shikhnabieva1981@mail.ru

редактор лакского выпуска

З. Т. АБДУРАХМАНОВА

редактор табасаранского выпуска

С. М. ИСРАФИЛОВА

Корреспонденты:

Э. ИБРАГИМОВА,
А. ТАЖУДИНОВА,
В. РАТЕНКОВА.

Заведующий редакцией

С. М. ГАМЗАТОВА

Художественный редактор

Г. А. КУРБАН-АДАМОВА,
e-mail: guleymat@mail.ru

Адрес редакции и издателя:

367018, Республика Дагестан,
г. Махачкала, пр-т Насрутдинова, 1^а.
e-mail: j-dag@mail.ru

Журнал отпечатан в типографии:

ГАУ РД Издательский дом «Дагестан».

Телефоны редакции:

65-00-36, 65-00-37, 65-00-39, 65-00-40.

Официальный сайт журнала «Женщина Дагестана»: женщинадагестана.рф

Сдано в набор 20.08.2020.

Подписано в печать 01.09.2020.

Формат бумаги 60 x 84¹/₈.

Объем: 5,5 печ. л.

Заказ № 0912. Тираж (3519)345 экз.

Журнал для семейного чтения. Издается с 1957 г. Выходит на аварском, даргинском, кумыкском, лакском, лезгинском, русском, табасаранском языках один раз в два месяца. Свидетельство о регистрации СМИ ПИ № ТУ05-00429 выдано Управлением Федеральной службы по надзору в сфере связи, информационных технологий и массовых коммуникаций по Республике Дагестан.

На обложках:

I – Анжелла Абдуллаева, руководитель клиники «Сантефамм»; III – Старый Гоор.

БахъхИла Гоорла ши



Шамилла районнизиб КIарахъала Къуйсу хIеркIла дублабси бехIличиб тIашли саби хабарла къалурбира сабира суратлизибсигуна Гоорла бахъхИла ши. Шила гъятI-биълумала чедир заклизидургули сари гъачамлис гъятIхIедиубли лералти дявила къуппаби. Илди къуппаби федеральный къадрила тарихла памятникунази халдирути сари.

Ши мурт акIубсил гъачамлис дурусли белгибарили ахIен. Бурни хIясибли, шила у бетаурли саби илар даим камхIедирути ва алавчарти мер-муса дучIахъули духъунти дугI-базибад, кIарахъала мезликIун дягI «гъури», «гъоор» саби. Шила халкъ жявлил Сагаси Гоорлизи гечбиубли саби. Илизиб 750 адам хIербирули саби. БахъхИла Гоорлизи катругси бяхIлизибсигъярцIадякъличивадцун сайри ваэс вируси. Ил дякъ шила се-верла шайчиб саби. Илар дебадарибти мегъла къапура лер. Къапула гъалаб мурталра къараулти бирутири.

Гъарил тухумла дебадешлис барибси къалара бирусири. Илдигъунти къалурби ил шилизир верхIел лертири. Гъанна калунти хIябалцун сари. Чумал дус гъалаб тамай гъятI-биубси къуппала-къалала ахъдеш 25 метрличибиркусири. Гъанна лералти къалурбала ахъдеш 10-15 метрлацун саби.

Къуппаби журугаби ахIенну, авмузанти сари. Илди авал дерхIла сари. Душманти чебухунхIели, илди къуппабазиб дебабирутири гъарил тухумла адамти. Луцразир къайкъикIес датурти тIярхъубира лер. Гъарил дерхIла чIябарлизиб ила чебяхIбулхъес батурси тIярхъура чебаэс вирар. Илди тIярхъубачи урцуйзирад дарибти ганзухъуни лагалтутири ва илдачибад чедибси дерхIличи абицIутири.

Къалурбала мякълар тIашли сари гъарил тухумла кIидерхIла юртанира. Цаибил дерхIличирти дурхъазир мицIираг хIердирутири, кIибиб дерхIличиб – илдала бегIти. Дебадешлис илди юртанала унзурбира улкъайтира бурес агарли диштIати дарили сари. Дугели унзурбира улкъайтира къапI-дирутири ва гергличил гIейкIутири.

Юртанала луцрачир чедаэс вирули сай декIар-декIарти някъишуни, къунчри, цархIилти лишанти, ашкарлигу, илди юрт мяхIкамбиру ибси къасличил дирутири. Бахъал адамтала пикри битIикIули саби Гоорла шили ва илизирти къалурбани. Лерилра илдикIун дубурлантала жявхIелла тарихла памятникуни сари. Хамти адамти буили саби илдигъунти къаркъти шуртIразиб хIербиэс бирути.

**БелкIунси
Гулнара АСАДУЛЛАЕВА**





«ЖЕНЩИНА ДАГЕСТАНА»

Журнал для семейного чтения

Подписка в почтовых отделениях:

на год: 291,66 руб. (до адресата);

280,56 руб. (до востребования).

В киосках «Дагпечати»:

на год – 252 руб.

